


雲南通志

孝義
列女

內閣文庫	
番號	漢 14228
冊數	40 (21)
函號	圖 137 3

廿



雲南通志卷之二十二

孝義

孝德之隆通神明而光四海可謂大矣然愛敬
知能有生同具滇民質樸其竭力承順往往有
出於天性者今

天子至德純孝超邁千古

聖諭宏敷首以惇倫為訓親遜成風蠻獠且咸知式
化又何論誦法曾閱者哉傳云將為善思貽父
母令名必果將為不善思貽父母羞辱必不果



則夫大義所關雖草野無文之子有捐脰淪淵而不悔者皆於不敢辱親之一念始之其合而志之也固宜作孝義志

雲南府

元

楊立義

昆明人任騰衝府同知事親至孝親歿負土成墳奉詔旌表

明

段澍

昆明人洪武丁丑進士事親至孝以監察御史就養改姚安府教授

熊信

字以成昆明人廉宣德間授禮部主事尋改兵部乞歸終養杜門謝客不謁公

門母歿絕意仕進孝子祠祀之

王護

晉寧人正統間輸粟賑濟詔表其門

方玘

字公佩後衛指揮使弱冠時得遺金訪其人而還之景泰末年歲饑流離載道

玘傾廩賑濟死者葬之卒年三十二妻曹氏以節稱

陳大韶

字舜舉高明人父貢士客死京邸韶扶柩歸中途負擔自給既葬廬其墓事母

篤孝母卒廬墓弘治間撫按題表後授嘉善司訓

王璽

字國用宜良人早失父事母至孝登弘治壬子鄉薦授合山教諭母卒廬墓後

歷官至涪州守不忘少慕

唐文炳

字文蔚祿豐人正德六年父銓母關氏相繼卒時文炳年十四文蔚年

十一兄弟廬墓三年刺血和泥塑親像祀之
文蔚事兄如父嘉靖三十五年巡按劉涇上
其事詔
旌表

施汝翼 昆明人施昱之子登嘉靖乙卯鄉薦天
性篤誠親歿廬墓有芝草之瑞賑貧乏

返遺金後計偕卒於途孫
堯化成進士官稽勲郎

段有學 字可仕昆明人嘉靖癸卯舉於鄉以母
老終養二十年不仕母卒廬墓盡哀後

授中江知縣陞寶慶
府同知皆有贊聲

宋應時 昆明人父死刺血雜土塑父像以祀廬
於墓應時妻死子文學負土成墳亦廬

於墓偶野燒將及拜風而火息又值羣賊剽
掠感其孝義餽以豚米不納子孫化之世以

稱孝

甘 旨 字汝孝昆明人性恬淡樂善好施郡中
貧乏者多所倚賴壬戌邊餉匱乏詔天

下咸得輸粟助邊旨與焉授以官弗受庚戌
滇饑復出粟糴民全活甚衆有司上其事欲

旌之亦力辭優游
山水以終其身

畢 畔 昆明人事親至孝常入蜀過鄆都縣得
遺金不取鄉人貧而貸者焚其券不責

償

李堯相 昆明人善事親撫幼弟堯卿於襁負中
卿亦感之敬事其兄嫂和氣藹然鄉閭

慕

張鳳翮 祿豐人事嫡母割股吮疽經兵亂骨
刃以救父難事聞給冠帶旌表其門

陳咸厚 昆明人從父官京師父卒哀毀骨立先
達謂滅性非禮乃強進粥扶櫬還里遇

風雨泥淖號泣而行濡足泥中未嘗少避至龍里遭安賊之變賊擁至焚其柩厚兩手抱棺抵賊聲色哀厲賊以戈擊之死於柩側黔中侯侍御以其事聞

周良卿

右衛人父母皆年逾六十生四子長為千戶早逝三子意欲均養良卿泣曰兄

亡姪孤二弟涼薄奉養不繼誰之罪也乃躬事甘旨不衰母病湯藥親嘗迨歿事之如存

楊世麒

字明徵右衛人補弟子員事母最孝母卒哀毀欲絕竟喪明後當貢期竟不能

赴

杜惟喬

字汝遷昆陽人歲貢生居父母喪哀毀盡禮廬墓三年墓前麥生九穗瓜結如

斗人謂孝感所致

楊坤

蒲明人父卒於官歸視廬墓遇賊劫負母而逃

安如磐

昆陽人以貢入太學聞父病徒步抵家比卒哀毀如禮服闋不仕歲時祀如事

生

劉連璧

富民諸生家貧盡孝凡死而無主者瘞之孤獨有疾者以藥濟之其隱德不知

者尚多

傅以恭

安寧人字默庵嘉靖甲子歲貢授四川興文縣訓導未幾告歸及居家有縉紳

遣使致書餽贈甚厚以恭受書返愧居常捐貲周恤蜀祀名宦

趙禧

安寧人字念庭嘉靖甲子由明經授教諭造士以德行為先積穀數斛率以賑

貧有貸者輒焚其券及歿悉來償

唐佐

晉寧人字朝相山隨父至京師見父所友皆天下士雅自奮勵歸而受業於朱

清庵之門朱奇其才以女妻之弘治壬子舉於鄉入太學父死聞訃哀號奔走萬里淚盡嘔血水漿不入口者數日而死時年三十有九妻朱氏有節操子錡列科目

孟富

昆明人號漁溪少力學嘉靖間母亡父老遂不應制舉承顏之暇刻意苦吟親

終廬墓子養浩受庭訓舉明經能繼父志輯遺稿名曰漁溪集楊慎為之點定曾中憲與張都諫鳴皆為之序

羅廷寶

號方塘安寧人萬曆間以異才授山東鄒平丞告養歸田絕意仕進舉外姑之

喪歸焚次之旅施棺葬骨陰德過人壽九十一而終

楊士芳

昆陽人萬曆癸丑歲貢生歷仕貴州平越府通判政教卓異功著貴筑賦性嚴

正致仕後事親孺慕偕弟士葵士蓮同居共產終身不衰暇日則講書課士樂為訓誨族

黨孤貧者為之嫁娶與鄉飲者七次

張燾

安寧州庠生父歿廬墓三年有紫芝馴兔之異萬曆間具題旌表

楊恩選

安寧人任成都衛經歷幼有志性每得蔗菜必以養親不敢先嘗萬曆庚子父

宗學寢疾醫藥罔効選每夜拜北辰求以身代如是四十九日父疾轉劇剖股以進是夜夢神告之曰汝父疾已不可起上天鑒汝真誠為延汝父算一紀父疾果瘳迨辛丑冬父卒果符其夢

李兆旂

昆陽人崇禎庚午歲貢任江南廬江訓導持躬清介率士端方後致仕歸流寇

圍城兆旂守北門城陷被執不屈罵賊而死第七子李淳年十五同父守城見父遇難痛哭罵賊亦死院司道府旌忠節

薛大觀

字爾望昆明人與子之翰俱有才名順治十五年雲南潰兵肆掠義不受污舉

家至城北龍泉觀置酒亭上慷慨賦詩妻女皆誓同死時有奴僕在旁大觀以所積白金分授之令其別往奴僕痛哭曰主人死我輩豈忍獨生以金擲水中遂相率赴龍潭死數日屍浮水面闔家七人皆牽聚一處布政使彭而述為賦龍潭曲按察使許弘勳懸額於水亭以表之

表之

單武襄

昆明人歲貢生順治十五年遇潰兵武襄闔家舉火自焚書於門曰一門完節

本朝

施逢泰

昆明人事親至孝嘗僱工養父母康熙二十年大兵圍省城避於姚安方山值

胡國柱潰兵劫執逢泰父泰憤甚躍出罵賊賊擊殺之逢泰死羣賊悔而釋其父

曲靖府

明

李

驥 曲靖衛百戶以失母與弟驥三世同居怡怡相愛通判沈鑑知縣李棠旌表其

門至今子孫繁衍

郭

蕃 魁諸生事親盡力母病兩月衣不解帶湯藥親嘗田廬推讓兄弟人稱孝友

徐可

繼 南寧人秉性孝友父病日以舌舐之愈母尋病目亦舐愈之父母卒廬墓皆三

年事聞院道旌獎

張

浩 南寧人家貧盡孝父卒鬻子治棺喪葬以禮不御葷酒三年每言及父母輒泣

下院道給冠帶旌之舉鄉飲賓

謝表

罷諸生性孝友嘉靖間第詔早卒遺孤得申表撫之如子姪與子俱患痘危篤表抱姪泣告於天曰寧死吾子存吾姪不忍弟之無後也其子果死教姪讀書遂成進士又置義田義塚有司給冠帶旌之

段尚綱

尋甸庠生居喪力變彝俗遵行家禮廬墓三年

趙愷

尋甸人性行誠朴為鄉里所重嘉靖間賊所執以刀加頸欲脅之從愷給曰待率家眷相從賊信釋之愷至家集眾泣曰今賊勢猖獗人民殺戮殆盡吾惟有死而已我死汝等舉火焚屋母致我屍骸暴露遂登樓自縊死闔家自焚幼男景新年甫十歲以他出得免知府劉槐即屋址築垣為趙氏祠墓撰文往祭知府魏公濟以詩輓之

呂應科

尋甸庠生嘉靖六年安銓之叛城陷守者皆待罪應科以罪屬無辜又守者素賢遂萬里陳情願以身代守者罪遂從輕典

張化

張文忠

尋甸人從弟兄也居家孝友為里閭所重尋甸舊無學嘉靖三年化與文忠極力呈請臺使建學屢疏不報化因鬻產赴京叩闕至再而建學之旨乃下迨歸知府戴鰲通判曹璠命罷人逐之因贈以詩額其門曰尋陽義人公舉崇祀

馬欽

尋甸庠生嘉靖六年安銓叛賊射其母以身蔽之母子俱得不死後母死遵行家禮廬墓三年

必沙

怒郎村人有勇力頗知書嘉靖六年安銓叛同類俱附之沙獨抗言拒賊賊亦素知其勇不敢加兵救護甚眾一日白眾願出擊賊令為代白於官銓聞之使人用藥酒

毒死知府劉槐撰文致祭魏公濟以詩輓之

馮世傑 尋甸庠生慷慨有氣節嘉靖六年安鋌叛傑奉母李氏及弟妹匿迎恩橋下為賊所獲母投水死傑謂其弟曰患難不能救母苟全性命何以自立於世耶弟兄亦投水而死知府劉槐撰文往祭魏公濟以詩輓之

伯承恩 字榮吾隴人萬曆庚子鄉薦歷縣令皆有賢聲官至四川按察歷任四十餘年

公明廉恕居鄉友愛周濟族黨置田五十餘畝為兩庠諸生卷金士民公舉

李仲武 鳳梧所軍萬曆已酉隨指揮諸藩裕征東川已擒土酋安者賊復劫營仲武戰

死有司勒碑表之

伯寧國 字肖堂隴人萬曆間貢生任夔州訓導教士以力田孝弟為本署建始余以仁

廉稱事兄定國友愛以齒德數舉鄉飲賓捐置學田

馬邦俊 尋甸人萬曆選貢任桂東令陞廣西潯州府判致仕歸捐宅建學康熙元年奉

文旌

何俊 字彥賓越州千戶有氣節幼以孝稱父病衣不解帶者數月常誡其子以耕讀

謹慎勿辱先人居心仁恕邑人無大

彭之藩 尋甸人崇禎歲貢有識學敦品行捐資脩學課藝傳經鄉人重之

丘為龍 尋甸州儻甸把總東川賊眾攻寨力戰箭中左目於馬上拔出仍格殺九人賊

眾潰散保全寨民

臨安府

元

張友直

通海人好讀書早喪父事母杜氏視寢食無時離左右鄰里稱其孝至正間聞

於朝旌為慈孝之門

董茂春

字良卿董莊愍之子仕通海學諭父死於賊哀慟幾絕事母至孝飲食寒煖未

常一日離母疾輒顛天願以身代當時有一門忠孝千載姓名之句其子思平洪武初為

邵甸縣主簿以忠義勸諭嘗戕土司祿祐率眾內附

王裕

石屏人天曆間賊圍朱寶翼亨祐守至七旬幾不支裕出粟千餘石衆賴以全

明

萬容

字景儀都指揮中之長子性孝友事父及繼母能順志篤愛二弟讓貲不取九

好文學絕無膏梁之習儒者雅重之

吳孝先

習義人幼名虎兒洪武間年十歲隨父出遊父為虎所攫孝先急取父佩刀斫

虎腰虎死父得生人稱孝童

楊慶

建水人其兄春以永樂間從征交趾陣亡慶以次當代兄子行訛言慶亦陣亡

母痛二子俱歿哭喪明踰年慶歸求醫罔効乃齋沐禱於北辰舐其目久之復明人咸異焉

王綸

石屏人永樂六年擊黎賊功陞正千夫長鎮守蒙自花丈邑後復從征黎賊遇

伏兵死御史表其門曰効忠用命

姚思敬

建水人性至孝父母疾衣不解帶躬侍湯藥凡田宅財貨讓其弟居鄉與人無

雲南通志

卷之二十一

孝義

七

爭卒之日其妻洪氏不食踰旬而死

馮敬 字允恭建水人幼失怙恃事兄政克盡恭謹食必同席兄未食不敢先兄有疾

湯藥必親致之

紀元 魏歲貢生字調甫萬曆五年父良早卒於征母李氏孀居折肢三年元與妻郝

氏晝夜侍側渾汚必親母病癱危甚元請洗跪吮而愈人稱孝感所致

張覺 寧州人幼失父事孀母趙至孝節儉謙恭多隱德偶沾異症夢神救日有趙某

者孝子第一汝居第二疾遂瘳鄉黨舉楊上其事於禮部旌表孝子

楊世春 阿迷人事母孝母死廬墓三年鄉人稱爲楊孝子王廷表以交贈之

劉大經 石屏人充寶秀義勇兵調征武定鳳賊路逢伏兵經殺賊數十兵潰被執爲賊

肢解

戴天資 河西人母林目瞽跪而舐之雙目復明

周尚懷 石屏人州舊無城賊至輒肆劫殺尚懷倡勇捍禦遇賊於老衛寨力戰被刺而死

李 釋字作之石屏人嘉靖間舉明經任臨武訓導以行誼率諸生餽遺一無所問比

遷王府官當道憐其貧檄邑令爲助乃留置學田贍弟子員臨武崇祀名宦

董紹舒 嶧峨人有至性嘉靖十八年應歲貢入京抵鐵爐關目矐心驚乃曰吾母思我

遂歸絕意仕進比母終哀毀幾絕捺行高潔生平足不至公門

張任晟 醴庠生似孤貧母孀居弟任榮任教皆幼斃乳無依晟篤於孝友養母教弟

皆成名尤遂於易魁人以
易起家者多出其門焉

張廷作 蒙自人嘉靖三十六年土賊逼城劫殺
廷作挺身死戰廷作見佩危向前救

之俱被殺奉 旨建死義坊

龔朝傑 字德恒建水人元江庠生年十三母逝
廬墓三年父沒復廬墓三年哀毀盡禮

李通判羅淳王 鯤為之記

許綱 通海人家貧負薪養親一日夫婦往田
其母瞽目攜幼孫忽墜井中夫婦歸家

寬慰其母竟不 悲慟孝養有加

范應華 建水人天啓間以報効征安孝良授遊
擊曾名聲叛守城力戰屢破賊兵計掘

曾逆祖墳加參將後復領兵
擒逆機洩被擒不屈死之

包萬化 字春夫魁人為弟子員有聲事父母色
養備至父母卒哀毀幾絕祭必涕泣尤

好周人之急以子見
捷貴贈中憲大夫

史觀宸 石屏人弱冠登崇禎癸酉鄉薦事母以
孝聞庚辰授南充縣多惠政值土賊姚

黃亂率眾拒之多所斬獲賊遁去以功擢同
知陞順慶知府賊復引張獻忠人攻順慶力

禦被執罵 賊而死

趙文宿 阿迷人性純孝菽水承
歡救賜天下孝子第一

澂江府

元

段文瑞 河陽人幼抗節讀書父早逝奉母盡孝
母歿哀毀骨立匍匐行一里外負土營

墳百五十日始成事聞旌表曰孝義
之門梭本路學正歷官臨安路總管

明

李九得

河陽人家貧為人傭作而養父母親
死無以為葬益屯勉積其值以葬焉

王珪

字朝玉新興人父思貞歿哀毀欲絕廬
於墓側啜粥飲水如是三年知州郭鉅

以聞未報後鉅陞雲南府知府為作王孝子
廬墓序布政使嚴貞亦為作贊時正統乙丑

也

武定府

明

陳此丹

魏庠生家貧好施事親以孝聞也茲遇
潰兵亂奉母避山中偶相失丹號泣求

之薄暮有婦丐隨丹叱曰吾尋母方亟豈能
顧汝况男女有別雖患難寧遂苟乎却之去
求母竟夜不遇渴甚將所負米囊置路旁覓
水澗中比反母坐米囊上問母何以至此母
云黑夜行荆棘力疲息此實不
知為己囊人以為孝誠所致云

廣西府

明

趙通

本府土照磨成化間昂貴爭糞府職大
肆兇虐通不從逆遣其子趙璽赴京奏

聞下其議因改土設流
民賴以安通之力也

李璜

師宗人弘治間代本州土官襲職璜以
土官專擅終為民殃至京遂奏請設流

議下因除流官令土官不得協管州事及抵
家知其身必不免遂潛逃外方師宗設流璜

雲南通志

卷之二十二

孝義

七

之功也

張恩

魏人隱居沉默與物無忤嘉靖壬寅水
下賊阿旦為亂監司檄本魏撫之衆舉
恩恩慨然往諭賊皆服從尋以
瘴卒當路旌其義為文祭之

郭尚賢

魏人事親孝父卒廬墓足不入室口不
茹甘後廬母墓遇虎不傷鄉人有急輒
周之有羅姓王姓者鬻身於人尚賢知
其老母在皆為贖身歸焉有司旌其門

趙宸

魏人父卒廬墓虎聲咆哮乃喟然曰天
不欲孝乎虎曳尾去一夕賊入顧視無
其側賊嘆息而逸

張秉衡

師宗入魏庠生母病日盲數年矣秉衡
乞以身代一日忽明士民舉其孝行歷
有旌

大理府

漢

隗叔通

葉榆人生若水性至孝母好飲江營水
通日入江取水以給往來甚艱江中忽
出平石涉取甚便人謂之
孝子石水經注載其事

唐

段赤城

葉榆人有膽略蒙氏時龍尾關外有大
嶙吞啗人畜赤城披甲持雙刃赴嶙
吞之劍鋒出嶙腹嶙死人剖嶙取赤城
城骨葬之建塔塚上煨嶙骨以聖塔

元

楊淵海

至元間總管段功有寵於梁王淵海事
段功知其不克終累諫不聽淵海語人

曰吾主無生還日矣吾食人食而不同其難乎明年功為梁王所害淵海死之

楊保楊名太和人兄弟皆事段氏洪武初兵入大理保遣名探報緩

急約翌日日出為期名過時不至保知事不濟即自縊名至亦以弓弦縊死國人義之合葬於弘圭山

明

趙壽趙州人永樂丁酉舉人正統間有蒙化土舍從征麓川有功謀為州土官壽懼

要鄉人李松張福海潛赴京師奏革之一州以安松等造廣廈作堵墻百丈居壽以報其德

楊寧太和人父母繼歿廬墓哀毀採風使題闡旌宅

楊謫仙寧之孫事母盡孝時稱楊氏二孝子奏允旌表

張孝子太和人失其名性至孝傭工養母母歿哀慕如狂既殯猶晝夜號於路如此數年不輟死而乃已

段子澄太和人為諸生不納奔女道還遺金天順壬午秋試主司得其卷屢感異夢知為端人急薦之任德安府判以內艱歸不復出居鄉益為盛德事人謂為太丘彥方之亞

洪鈞太和人為諸生性孝友母歿廬墓三年廬側有澗水盈涸不常鈞居三年澗水不涸人以為孝感所致

黃聚雲南縣人事親至孝親喪廬墓三年道府給銀米旌之

楊沂太和人父母歿廬墓三年以田業之半讓諸兄遂老於山中至死不變

趙友益

太和人自幼至老無喜愠色與物無忤
其孝 兄弟子姪有失依者皆為之所鄉人稱

友

史大經

雲南縣人為諸生以讓貢為月旦所重
嘉靖年任江津邛州訓導多所培植歸

置義田勇於行
義士論重之

王守陽

太和人家貧勉為甘旨四十不娶恐分
親之養也終父喪三年其母勸之始娶

婦婦不得於姑守陽曰任汝所適婦若其貧
遂去守陽以相地自給得錢即養其母每夜

常四五起視衾之寒溫枕之高卑母身展
轉必捧之以助其力母所嗜多方致之

呂健

大理衛人家貧養親每食必躬進之親
怒則深自咎責悅而後已病則嘗藥死

則廬墓皆
能盡禮

楊起雷

太和入其父有疾凡出入坐臥起雷捧
扶者四十年及卒哀毀骨立事兄起雲

亦以友
愛稱

朱惟顯

賓川庠生父歿廬墓三年母張
氏喪明左右扶持未嘗刻離

楊雨

太和入充府刑吏人或賂之必問所從
來曰貸則不受否則受十之一久之

凡問者無不以貸對是以一錢不入或知其
人之寃力爭於庭聽守怒答之答已復爭初

疑其賄徐而察其無他遂見嘉納獄多賴以
不寃革履無襪藉以草役滿不赴考選潛入

雞足山太守廉其賢欲薦
之索之不得莫知所往

吳讓

賓川人始未設州治居民苦於剽掠弘
治間讓奮然詣臺司請置州衛建城池

在復再三如其願
而止今稱述之

趙重華

太和人父廷瑞棄諸生業為方外之遊
匿無錫山中時華方七歲後十五年母

歿姊妹遂出覓父請途引於毘守行至武當
太子崖上隱隱有字跡後識其父名氏而所

書月日與華尋父出滇月日同華覽之哭亦
附其後而書之歷走江南竟無所遇因禱於

三茅峯夢神語曰汝父猶未死覺而爽然過
毘陵被盜攫其資僅存途引道逢老僧言其

父寓無錫南禪寺一道人導之至寺其父果
在父子相抱而慟所與道人及寺中客無不

慘然鹿門毛憲副
為作趙氏客遊述

王祿吉

鄧川人傭工養親與兄玉茂林事
父母甚孝所得工資兄弟相讓

本朝

杜桂印

趙州人父欲弘為諸生順治十六年為
雲南滇卒所執欲殺之桂印年方以號

泣馬下願以身代兵怒殺之父獲全康

題旌表其門

熙元年撫院袁懋功具

永昌府

明

徐訥

字敏行保山人年十三父邁疾幾殆憂
甚每夕稽顙籲天願以身代父疾果愈

後父歿廬墓三年朝夕哀號有青
蛇遶墓之異成化間詔旌其門

胡亢

字希賢保山人父歿時亢年十二三日
不食既葬結廬墓側每哭泣輒有鳥雀

集樹悲鳴哭止乃散
母余氏歿禮亦如之

蕭蒨

字從周保山人國子生事親孝母卒廬
墓三年朝夕哭奠父繼卒復居廬二年

符節 字性善保山人平生耿介寡合常與丁貞友善貞病篤謂節曰吾有幼兒竝白金百兩託與君兒長可付則付之否則君之物也節遂密藏其金於丁宅中厚撫其子且教之比長挈金授之封識宛然鄰有婆婦無子迫於饑寒自縊節令人救活給之飲食二

十年竝不一見其面婦卒治棺葬之所行率多類此所著有坵墩堆詩一集

陸鏞 保山人客遺金一囊數五十鏞拾歸謂妻康曰若坐門內俟有泣過者告我已

而客果泣涕至數如數即付客客以其半謝之固辭客拜天祝頌而去

辛淳 保山人捐粟濟饑從征交南凡道死者力為葬埋又葺學宮兩置學田鄉黨重

蘭剛 字德中騰衝千戶愈次子正統六年隨父征麓川愈累功陞副千戶剛亦當

外所鎮撫乃自父愈曰吾先祖宗世為正千戶中葉而為副合幸父子俱立功若併論為祖職可得也愈曰武廕以長我死汝兄繼之置汝何地剛曰為子弟但竭力於父兄耳奚以得職為乃楷自靖遠伯伯嘉其孝讓併功於愈為正千戶愈卒長子承襲剛處之自如友愛有加年八十六終

吳榮 字仲華騰衝人醇厚坦直人有爭成質平之一日與友蘭剛暮歸適一屠兒醉臥道中墜二十金榮恐他人得去拾付剛收遣僕守伺屠兒醒引請剛歸之終身不自明

周琮 騰衝人晚行得遺金歸付其妻吳仍往其處伺之至夜遇一男子來尋遺金詢之蓋稱貸以完逋賦而出子於獄者遂還之其人願分金謝琮卻不受其人感祝曰願天壽公夫婦官公子孫耳後

吳琮 年七十八吳八十五

吳潤

騰越人事親至孝應貢赴京不忍離父因請同往授溫江諭父故扶櫬歸哀毀骨立服除補上海諭模範嚴善於啟迪居鄉二十餘年襟履澹泊不納餽遺友愛庶弟鄉評重之入上海名宦

楊茂

字延秀騰衝人性質朴好義樂施常歸人遺金代孤甥完婚娶置義田捐棺具人有貸於已者力不能償即焚其券行事率多類此

林興祖

字宗嗣騰衝人少孤母性嚴事之得其歡心母微愠曲求慰解侍親四十餘年如一日母疾檢方書云須虎睛調藥乃愈祖竭誠籲天適城北得一虎往購其睛合藥母病果瘳人以爲孝感所致

鄭永生

字壽伯騰衝人常結廬東山藝田忽鄰婦有私奔者永生不答馳歸抵家已夜

家人問故給之曰偶櫻疾欲藥蓋秘之也後以陰德事教家人年八十七而卒

鍾應奇

永平諸生母臥病在床天順間姚營叛兵入其家欲兵之應奇周旋涕泣求以身代兵感悟遂全其母

丁有虞

永平貢生友恭誠孝事繼母情禮備至兩臺旌曰孝行可風後仕終知縣

馬鼎龍

永平庠生苦志讀書荒年賑饑捐金助餉奉旌表

楚雄府

元

楊惠

魁人父早逝養母劉氏盡孝母遭疾禱神求以身代母夜夢神告曰爾壽當終爲爾子誠孝今特延之明日疾果愈壽至八十五及卒惠負土營墳廬墓三年以哀痛失

明有司以其事
聞旌表其閭

明

印

岳

楚雄衛千戶性至孝奉母先意承志侍
母病夜不解帶見有屍骸暴露者解衣
覆之死不葬者助之棺

王大勳

廣通人早失母傭工事父每晨必俟父
食然後出主人授食先投竹器中歸以
養父監司命有司
存恤之旌表其門

潘

浩

肥人家貧母老善養親志後領成化癸
卯鄉薦為大理訓導孝愛有加母疾迫
禱於神病愈遂棄官歸養

朱

高

肥人五歲喪母善事父父歿時家甚貧
竭力營葬禁葷酒不近房帷後值繼母

之喪亦如其父弘治間以貢士任合江訓導
分俸祿予其兄及家居族黨貧乏者多所周
恤鄉人稱之

何

鑑

肥人善事繼母正德庚午領鄉薦任涪
州學正為家宰夏邦謨所重繼任永川
令加意恤民值天旱鑑步禱霖雨立需永川
人德之後居鄉親戚有貧不能嫁娶者捐資
助之更置田

以贍宗族

延

从

定遠人監生以母老不仕敬養終身嘉
靖間鳳賊之變官舍杜文宣以三百金
倉卒付久賊平後不
見來取跡其人還之

陳于舜

肥人天性孝友父歿善事母嫁娶弟妹
得母歡心人有翁鸞其子者捐金贖之
壽七十

雲南通志

卷之三十三

孝義

七

李希綱 隄人父久病侍醫藥寢不解帶者九年後以貢為姚安訓導俸祿所入與兄共

之周恤親里各盡其義所著有四禮註一卷

俞經 郡人嘉靖間父歿家貧與弟緯繪交愛同居四十餘年如一日不受私金不忘

舊交行多高義

俞沛 隄人庠生家貧力學子弟治禮記者多出其門嘉靖中武定鳳氏亂延及廣通

隄人震恐沛與隄守多方捍禦城賴以全

朱萬元 隄人以選貢中萬曆壬午北京鄉試任縣令先未第時從豐城李公論學及李

得罪猶時時遣人問詢又與省隄諸生蔣希晃偕人京視公於獄中世稱其義

周孔徒 定遠庠生端品行尚孝友撫昆子弟妹有成存恤姻戚助其婚嫁以舍規友還

人遺金

愈思箴 隄人萬曆間歲貢性好學事親孝四時蔬果不奉親不敢嘗任元江教授教士

以德行為本祭器殘缺捐俸脩補及家居族黨婚葬不給者皆周濟之

李繼東 定遠人萬曆間以貢任大理訓導父母歿廬墓各三年遂不復仕至性所感鳥

雀俱馴盜賊遠避院司旌之銘其墓

張克儉 隄人力耕養親後傾萬曆庚子鄉薦任榮經知縣性澹泊喪葬一準家禮鄉人

法之里中婚喪不給者捐資以助隄有驛遞板累窮民豪右霸阻水利儉陳於當道民害

以除

蘇德馨 廣通人萬曆間以南安歲貢任四川茂州學正先是父溺愛異母弟逐馨於外

馨盡孝益篤不敢
怨對父遂感化

李邦相

韶人父歿時家甚貧賣身以葬留妻養
母越二年母亦卒身既為僕妻亦願賣

身葬姑妻父聞之訟於廳守守嘉其事請於
院道具題萬曆三年奉旨建孝子坊旌表

翁弘慶

廣通人天啓間父早卒事母盡孝每食
必以酒肉母不食則跪進之間不能備

雖蔬食必竭誠以奉避兵時皆負其母得
免於難至於好善慕義雖貧困不易其心

倪可觀

南安人父天叙天啓間卒於官萬里扶
觀歸葬事母撫弟以孝友稱舉壽官長

子元昌能繼父志與弟
同居五十年鄉里重之

包弘漸

廣通庠生崇禎間四川流寇大熾兄弘
策守新都城陷詈賊死漸事寡嫂盡禮

為諸姪婚娶至家貲費
盡無所怨里人義之

李思泌

颶武生明末功授守備土逆吳安世破
楚雄執泌見賊不屈賊置劍威脅之泌

厲聲曰大丈夫肯降賊耶以頭就劍
賊怒先劍其足罵不絕口隨斷其屍

本朝

楊三奇

南安人順治十七年父睿為賊所執奇
奮身抱賊泣曰寧殺我勿傷我父受刃

而死父
遂得全

姚安府

元

趙和

姚州白鹽井人母遭兵擄和年十四晝
夜泣涕顙天尋至遼東見其母主者留

不即遣和奏請乃得與母
俱還途遇虎母子俱無恙

明

高梓潼賜

姚州土州同五歲喪父其母譚氏撫育成就賜性孝母病痿痺晨夕稽顙

北辰求以身代遂愈後病目幾喪明賜時賦之尋亦愈後復病癰吮之又愈成化間具奏

旌表

金

鯉 羸廩生素敦孝友母楊氏病篤多方求

驗及親卒廬於墓側一夕忽有羅賊劫掠獨其孝舍之有兄鯉舉家遭疫親里歛跡鯉同

寢處供湯藥兄得保全萬曆七年御史以聞欽賜銀三十兩建坊於其門仍給二丁授八

品散秩

李秀白

大姚廩生性謙抑與物無忤早喪父孤貧力學事母張氏至孝及母構疾將革

治療無功白焚香祝天願以身代母幾絕復甦後一載方無疾而逝自哀毀骨立及葬廬

墓三年侍御陳學夔以篤孝表其門

靳時芳

姚安所人永川訓導勤從儀子幼習儒侍父赴京父在途疾不能乘馬芳皆負

而行次年聞母病星夜奔回母病癰芳晨夕抱扶歷三十二年如一日家貧訓蒙自適言

必準之聖賢跬步皆有繩尺遊其塾者皆有規程即販夫女子皆知其為靳先生居城外

環堵蕭然僅栽花竹一圃姪仕清九歲喪父芳撫育成名時太守李贊屢式其廬巡按帥

履祿提學荆光裕皆表其門鄉飲三次年八十三

施光裕

大姚縣人貢生任淮府教授質實愷悌尤敦孝友推產諸弟甘貧不悔著有居

敬錄省心錄

雲南通志

卷之三十三

孝義

三

謝宗陽 大姚廩生為人樸誠訥如不出口生

平無絲帛甘旨之奉父故哀毀廬墓遺

產盡以屬弟弟卒撫其遺孤周贍宗族尤好

義樂施與著省身錄行之三十餘年撫按督

學俱

鶴慶府 明 楊叙年 罷人正德七年隨父監生斌之京行至

天津為流賊所獲欲殺叙年涕泣哀

號願以身代父死賊憐其孝並釋之

又恐為眾所害仍以號箭護之出

高 科 府庠生父淮久疾科躬侍湯藥不懈父

卒哀毀特甚事母阮氏能盡禮又殮葬

其嫂之無依者二人與弟同居三十六年

年無間言知府周以孝友表其門

段 忠 劍川人性篤孝家貧未嘗讀書母早亡

父久病忠備身以養遇食忍饑奉父至

老不 變 楊 全 劍川人父繼宗為土官下海真所殺全

方在襁褓及長知父寃死伴拜海真夫

婦為父母一日治酒邀真俟飲酣殺之不果

乃潛入麗江適麗江土官欲遣人入京奏請

全願往因藉此以發其事會海真死

於獄全曰吾父讐得報貧死無憾矣

蔣懋官 罷諸生父以旅亡扶柩歸屍血流出官

號泣而舐之既葬廬墓三年晨夕哀奠

奉旨立 坊旌之 楊懷玉 罷人歲貢生任安岳縣丞剛方正直細

行必矜居喪粗衣蔬食三年不就內寢

期功不赴晏會舉鄉約

敦行四禮鄉人化之

楊邦器

字德周，肥人以明經授睢州學正。識學淵博，倘儻好義，賑乏賻喪，周人之急。鄉人有爭，得片言而解，在者以文行勸，諸生攝彭山縣，以廉著人，或嘲之，器曰：吾不以小官聽節，其端潔為當，路所重，至今稱之。

蒙化府

明

薛志廣

肥人，景泰間居喪盡禮，廬墓感馴，獸芝草之異。

官

仲

肥人，好義樂善，周貧乏，助婚喪，嘗有贖流亡，遺金事年將百歲卒。

范運吉

嘉靖己酉舉人，父寅，肥庠生，好為方外遊，吉病且少，不克從，及長，好學力行，補

弟子員，應省試，詠白菊詩，受知於開府，應公許妻以凡女，次科中式，隨書尋父狀，負於皆

遍歷天下，跋涉五載，辛苦萬狀，至京應公，其完娶吉誓不見父，不娶，回至楚襄行，哭於市，眾閱其狀，哀之，忽有知其父者，云在武昌榔梅園，至則已歿，吉刺血認屍，扶襯歸廬，墓三年方赴京完娶事，聞詔旌其門，吉慟父歿於外，遂終身不仕。

景東府

明

陶

棨

成化中，土官陶洪遣子棨入國，學萬曆中，嗣職以孝義承家。

謝 蔡 學萬習中 嗣輝以孝義承家 州外中土官 謝蔡子蔡入國

京東 蘇


官門苦謝父 與然休養 蘇其不 三章式 俄京 宗 是 軍 國 暗 其 蘇 市 來 關 其 州 京 文 感 時 咬 其 父 香 云 五 抗 當 其 宗 嬰 吉 普 不 見 災 不 娶 回 至 鼓 襄 亦 哭 然 蘇 盤 天 不 知 越 五 拜 辛 苦 萬 州 至 京 顯 公 別

雲南通志卷之第三十三

列女

始 蘇 之 蘇 賦 其 婦 以 苦 也 不 自 給 與 善 梁 王 帶 王 平 章 與 以 妻 也 梁 王 忌 平 章

人賦天地之正氣而生綱常之重男與女均有
責焉然世所稱丈夫當大故而敗其生平者衆
矣又何論遐陬之巾幗乎乃滇志所傳靖節捐
管生矢心雪耻為鬚眉男子所不逮者若鐵釧繡
雲旗至今猶凜凜有生氣也嗟乎綠筠芳蒞固不
擇地而生然臣願為良婦亦豈願以節烈著彼
其艱難輒軻已為人生不幸之遭儻任其湮沒



不傳則持世道者何賴焉故閨閣之英與并曰
之媪茲記凡以云勸焉爾作列女志

雲南府今會同縣有土原也墾平於茲苦甚固不

晉王天少雲頃為徵管民于迥不暇管昔遊隱巖

李文秀 寧州刺史李毅女時寧州頻歲饑疫五
峇彝反圍州城其父病卒人以秀明達

有父風推領州事秀獎勵戰士嬰城固守城
中糧盡炙鼠拔草而食伺稍息輒出擊破之

元人趙天賦之五歲而主斷常之重與與文此有

阿祿 梁王郡主平章段功妻也梁王忌平章
欲鳩之祿知其謀以告功不信遂與害

禮 禮服喪矢死哀其夫
作詩詳大理國內

皇甫璇妻楊氏 桑知州妻李氏 景縣尹妻

王氏 俱昆明人以平谷夫去賊者書其婦人
貞節旌表

明 李仁山妻楊氏 郡人山早逝楊年十八生女未
斷一指曰指續可嫁竟

嚴士良妻吳氏 福建侯官人洪武二十二年隨
夫成滇三十年夫喪無孤貞守

四十餘年宣德
間奏聞旌表

孫 彬妻謝氏 三吳人廣南衛軍永樂初挈謝
戌交趾清化衛生子敬彬卒謝

守節久之有詔復安南國歸廣南同成者強
敬遜海而南潛歸吳下謝聞而諭之曰汝父

雲南通志 卷之二十三 列女

占戎籍汝私還勾牒必至自羅罪也且滇吳萬里浮海巨測萬一不諱而葬魚腹而父其為若敖之鬼乎乃與敬匿神祠中睨同戎者過盡循故道走間關歸孀居五十餘年壽八十八終敬後以軍功授本備百戶

李士暘妻黃氏 暘卒黃年二十有三守志貞節四十年奏聞旌表

王綸妻史氏 晉寧人綸卒史年二十一守志不更嫁奏聞旌表

趙文秀妻楊氏 安寧人夫亡教其子教嚴志操無替事聞旌表

嚴可富妻高氏 宜良人年二十七富卒以女紅餘訪其夫歸之其子嚴鎮媳汪氏亦年二十七夫卒生遺腹子容矢志如姑皆壽終鄉人俱稱為嚴氏雙璧大學士李東陽作傳謝遷為記巡撫都御史王啓為贊

皇 俱稱為嚴氏雙璧大學士李東陽作傳謝遷為記巡撫都御史王啓為贊

劉琛妻丘氏 楊林所人琛亡丘年二十二守志不渝遺腹三月生子緒撫之

盧英妻短氏 英任雲南左衛指揮喪時短年十九守節終身

劉潤妻趙氏 潤為後衛指揮喪時趙年十五守節終身

張翊妻胡氏 右衛人夫亡斷髮自誓姑遭疾至再竭誠籲天醫藥隨試輒效

羅江妻李氏 高明人江為南昌司李遭疾李每嘗藥而進繼以割股竟弗愈

及夫死猶乞死以殉弗獲扶柩歸哀勵喪明適有寇至抱遺像投水毋姊救免焚劫一空

盆勵苦節嘉靖二十五年蘇州府歸口鼻血而死靖年間旌表

南村婦 嘉靖年間鳳克之變被驅奔竄始猶雜衆入申至南壩河自知不能前行掩袂

投河而死竟不知為誰氏之女

閻厚妻金氏

厚雲南府學諸生卒無子金年二十五號痛殞絕口鼻血流家

人將屬續厥明復甦遂竭

陳梁妻劉氏

昆陽人年甫二十二歲梁人欲奪其志劉以公姑垂老有兒

強得不忍也竟以禮終公姑之身撫兒成立年逾八十萬曆年間臺司旌以節壽

貞女楊氏齊姑

昆明人自幼不字萬曆年間有司旌匾二一日乾坤正氣一日

貞心匪石以節終

良朝元妻即氏

元郡諸生卒即年二十撫其遺腹一子後亦夭折矢志不二紡

績日給壽九十而終

王爾妻李氏

安寧人年十九夫喪伏棺慟哭欲繼以死毋武氏知有遺腹以

續嗣事曉之乃悟茹蔬斷腥每食必薦主後雖生女不以易也歷四十年終萬曆十五年

陳孟章妻田氏

孟章為南戶部主事先娶楊氏有子女繼娶田氏七載孟章故

田年二十有一號呼欲絕刺面毀形敬事若翁育諸女寡居四十年萬曆三十一年題旌

王衢妻陳氏

緣豐人年十六夫卒伯叔憐其無子欲奪其志陳赴水死賴隣

婦朱氏急救得生奏聞旌表

楊氏羅平姐

昆明楊應春女年十五許聘三泊縣楊東明未歸東明卒女欲死以

生奏聞旌表

楊氏羅平姐

縣楊東明未歸東明卒女欲死以

救得免毋欲改嫁不從自縊死事聞
詔許祠祀今永清門內烈女坊是

姜愷妻吳氏

於萬曆四十五年巡按御史吳應琦以節婦具題准建坊旌表其門

王氏

祿豐人早歲孀居家貧苦守事公姑以孝名三十餘年絕無塵玷送公姑葬畢即自縊於墓上事聞詔建貞節坊後燬於賊夫名失傳

王業元妻許氏

祿豐人壯年喪夫孤潔自勵因賦性貞烈於賊未至時自刎而死奏聞詔賜配享忠節祠

趙芑女淑姐

安寧人年十四歲許聘未歸因鳳賊之亂慷慨自誓以衣蔽面投河而死會經具題

而死者經具題於萬曆四十年奉旨監坊旌表

方玘妻曹氏

後衛人早寡能終其節後以子貴贈夫人大學士李東陽有可貞堂

記奉旨旌其節

趙翰妻段氏

晉寧人年十八歸翰二十翰亡截髮守志撫孤養親表葬勒碑預刻

已姓以表同穴孀居五十八載當事題准部覆云剛常夙凜貞性天成青年勤共穴之石志已不在人間皓首堅斷髮之盟歿亦何慚地下芳名不朽彝典有光奉旨旌表

胡道明妻王氏

晉寧人夫亡時年十九家貧無子氏能矢志堅貞孝養舅姑皆

以壽終守節六十六年題奉旌表准入祠祀

徐昂妻顧氏

年三十而寡撫二孤曰行曰信行以鄉科授合江教諭卒於官

婦鄭氏年二十有七婦姑一志相守後十年鄭先顧死遺二孤子曰麟曰麟顧又為撫之年八十餘御史孫用表其門曰雙節

唐 鍾妻陳氏

晉寧人夫卒陳年十九家貧無嗣姑諷以改節陳泣涕而已姑

病嘗藥姻戚不輕見如是日繼月又為燕者六十年撫院表其門

楊 鈞妻李氏

夫任永安守卒於官痛哭幾絕攜一幼子扶柩還里至廣陽堡

遇寇恐為所辱遂赴水死永安人思鈞之清高李之節為建雙節祠於江干

李志恭妻王氏

新興王丞女年十四歸呈貢諸生李志恭生三子皆幼恭疾篤

以為憂王自誓不相負以誤夫後有見其貧微諷之者王泣曰吾與孤相為存亡耳後

長成皆游泮至以封天淵實存傳其哀志不壽終奏聞旌表

周維新妻閔氏

夫年五十九撫諸子教以文業辟纊以佐膏火苦節五十餘

年臺使者旌其門曰筠霜護日以子作樂貴封未直入維新贈奉政大夫重慶府同知及

卒巡撫周家謨臨其隴以石題貞節二字

高 甫妻趙氏

昆陽人夫歿時年二十餘乳居撫孤永矢靡他歷四十餘年如

一日臺司旌其門卒祀於祠

傅 爵妻姜氏

三泊人甘齡而孀撫其子以任教以義方子克家士民嘉之白

於臺司表揚

周允惠妻王氏

郡人年二十九守節至九十九萬曆四十二年撫按司道戚旌

之

張 翻妻胡氏

翻亡後蕭然四壁子然二孤胡氏不以此易其節七十而終

廖 忠妻梅氏

忠亡梅甫二十有四甘貧守節撫二子應和應奎俱成立

劉體仁妻孟氏

仁任保寧府判卒於官孟匍匐間關扶夫柩返課訓諸子紡績糊口篝燈課讀明暗聲與機杼軋軋相聞發也後六子相繼以科第貢薦振其家聲聞之

者莫不贊其母恩封為安人

王僕妻段氏

郡人嫁七年而夫亡子萬年在襁褓養姑教子終齒十餘年

凌懋妻孫氏

晉寧人夫卒巨家慕其賢競謀委禽孫號泣截髮竟不能奪事

表 閩旌

蘇政妻段氏

晉寧人年二十一夫亡守節其姑欲奪之段潛入暗室斷髮自縊姑覺救而甦自是閉門食飲四十餘年

鄭儒妻洪氏

嵩明人儒計借卒於京計至洪屢縉以從其姑轉政之得免守

節貧與姑同眠食闕不踰衣不彩督課幼子成立

楊大韶妻孟氏

晉寧人夫亡無子矢志養翁姑年十九寡居歷五十餘年卒

趙宣妻米氏

右衛人宣卒米年十九誓不二嫁時南寧伯毛福壽以征麓川師歸在滇謀欲妾之米曰善為之辭必欲相強惟有死耳卒不能奪守節五十七年終年

七十六歲 屢奉旌獎

張翎妻朱氏

昆明人年二十一守節勤苦持家嚴肅事翁姑克盡孝道崇禎十七年土民公舉巡撫吳兆元巡按羅國燾批云朱氏淑性幽貞幼凜冰霜之節慈和篤

孝帝堅松栢之操具題旌獎入節婦祠

陳爰諷妻王氏

昆明人庚申于歸詔封安人壬戌二月扶夫柩旋里道經安賊

之變罵賊身死年甫十七崇禎丁丑長子履忠成進士具疏陳請建坊旌表

李華妻王氏

宜良人以通孝經列傳年二十一而華死生子甫三月比長名

之日節守之讀書歷五十計水露之消滋味餘年子亦奮發得入仕

陳永川妻程氏

宜良人年十七喪守節訓子至成立年八十五而終

孫宙妻浦氏

烏撒衛孝廉浦仲良女從夫宦京師夫以上林左監丞卒於官

二子方在襁褓剪髮植棺忍死扶視歸旣葬守塚傍擲哭不食死於墓左

魏昇妻

昆明人許聘未嫁會昇以罪遣戍騰衝妻意欲歸而偕往然不敢言其父

母不忍謀為昇另娶為女別嫁有成說矣乃潛製一布袋留期用袋盛身向內自束其

投水死舉家覓之不得姻家將訟屍尋浮出漁者見之事乃明姓氏不傳

秦春妻王氏

春昆明人教授春死王年二十二囊無尺帛餘財矢死不二督

學蔡雲程聞於臺院數嘉獎焉六十五歲未及旌而卒

吳鑰妻戴氏

鑰諸生卒戴年二十七紡績自給守節終身

李光憲妻張氏

郡人年二十四光憲死遺孤襁褓舅姑在堂張守節四十餘年

劉悌妻常氏

郡人悌卒常年二十六家四壁立遺孤甫三月矢死不二以女

紅自給撫子以存因名曰大節歷六十餘年節旣成立為諸生娶嚴氏節卒家道益替

嚴其貧守節亦撫其子中庚子鄉試鄉人稱雙節云

沐天波母陳氏

乙酉年遭沙逾之變士民奉至朝陽庵聞其媳焦氏自焚笑曰

若能如此吾無憂矣亦自焚死

沐天波妻焦氏

江南人乙酉年沙逆變作天波奔逃西滇民奉焦至城北金井

庵其姑陳氏遣人問計於焦焦曰吾家累世重臣身為命婦當死宗廟遂舉火自焚時幼女在旁見烈焰起懼甚焦強抱同死

沐天波女瑞貞

甫十齡許配劉文秀子劉子意瑞貞自縊遂與秀之子合葬

本朝

王養正妻洪氏

昆陽人年二十一夫亡有遺腹五月氏誓不他適生子名順天撫育成立守四十七年至康熙二十四年具

王順天妻楊氏

昆陽人少適順天與夫同孝寡母洪氏甚謹生二子年二十九

歲夫歿氏效姑守節訓子王來賓入學州人稱爲世貞守節三十二年卒康熙二十四年

題旌表

傅景明妻唐氏

夫病故氏年方十八守節五十六年孝事孀姑克盡婦道撫子及孫拮据甚苦康熙三十年具

題旌表

元

副樞燕帖木妻脫脫懷氏

蒙古人洪武中征雲南燕帖木敗績於曲靖馳歸妻閉門不納曰爾受梁王厚恩兵敗不死何以見王乃鳩其二男一女命使者曰我死爾舉火焚屋毋令辱我遂飲鴆死

明

王子臣妻趙氏

曲靖人年少守寡正統二年有司奏旌表其門

陳蕃妻任氏

蕃曲靖卒也任歸蕃年十六後生一女歲許嘉靖乙巳春夫客

死他郡任聞計朝夕呼號至廢寢食翁姑厭焉令其改嫁任益憤激流涕以死自誓因謂其姑曰妾既失所天矣但得壘夫骸骨少盡夫婦之情不敢以子母重累姑也姑不知其偽始息逼奪之狀不數月骸至任即縞衣攜女撫柩悲痛埋壘於漏澤園至夜分諸親眷歸任故緩步私語曰吾今歸翁姑必執前言不從則逆命從則逆天莫大焉惟死可兩全也復慮女幼無依乃抱女投於瀟湘河舉家人聞之無不酸鼻者嘉靖壬子夏督學趙維垣以諸生及地方輿論達於兩院乃撤下所

曹司售地合葬旌其門曰貞烈仍建祠於墓立碑於祠復其二丁以奉香火

張濬妻馮氏

平彝衛人濬為諸生卒馮守節不嫁嘉靖七年旌表其門

李文妻戴氏

平彝人年十九夫卒遺一女尚幼姑強欲嫁之自縊而死有司旌其門

楊威妻王氏

曲靖人早適威家窘甚出荆布易書勉夫力學威鄉薦仕楚

朱愷妻馬氏

愷為曲靖衛千戶蚤卒子

茂未襲繼亦卒遺孫臣尚在襁褓馬曰予喪所天托之於子子今復喪猶幸有孫苟寧死弗顧朱祀其斬乎遂撫臣及長娶同衛陸林女時家計甚窘朝不給夕里戚憐助臣得襲

如祖官未幾臣復以疾卒或以家貧無依諷
奪陸志陸泣告曰夫亡恨不速死為祖姑在
耳矢志不從繼續供養越數年祖姑亦卒陸
哀慟幾死苦節爾堅先是嘉靖己亥有司表
其姑為貞節至是本府月給
陸米五斗表其門曰雙節云

張武臣妻曹氏

武臣平彝衛指揮蚤卒
曹撫其二孤誓不再適

王愛妻徐氏

木密所人王愛及姪王立與安
銓戰死氏欲以身殉姑泣止之

恐死事姑壽八十九
臺使旌表年分失傳

袁謙妻蘇氏

曲靖人謙為鳳梧所指揮卒蘇
守志不渝後遇亂為賊所逼以

刀引決賊感而釋之
蘇得保其宗年分失傳

曹棟妻陳氏

夫死翁姑逼其再醮髮自誓
甘貧守節六十五年奉文旌獎

李士升妻周氏

士升青年隨父任身故計音甫
至氏繪已像於夫之右每日悲

泣哀毀
而死

李萬年妻李氏

萬年鳳梧所千戶李髻年于歸
夫生瘋疾盡賣粧資調治及疾

惡甚毫無厭怨夫死盡哀苦守夫
節聞賊臨城恐身有玷自縊於家

李元靜妻楊氏

克盡婦道三十居孀長子蕃華
方九歲次子維華方六歲家微

族弱恐人奪其志停夫柩於堂者十年常服
衰經朝夕飲食先供而後食元靜世本農家

氏教二子習儒
業皆為諸生

張神武妻呂氏

天啟三年奢會水藺叛巡撫閔
洪學檄神武從討賊行至疊水

河逢賊與攻劫神武降亡氏年二十二計至
躡踊哀毀昏死者數祖姑力救始甦生女方

二載苦節孀幃公舉優恤監軍陳蓋巡按吳文灑交奏稱其夫忠婦節古今少有奉文旌

獎

臨安府

元

張友直妻杜氏

通海人杜林之女年十八夫卒誓不改節教子成人壽八十二

終至正年間有具請朝廷自益水司聞於朝旌之

明

邢奎妻江氏

建水人正統中隨夫戍廣西南丹衛未幾奎卒氏年二十七廣

人雷之不聽攜孤五人負骸歸葬臨安家計甚約安貧教子後以子幹貴封安人

陸華妻薛氏

華臨安土官卒氏年二十守節撫孤子成立景泰年間有司奏

開旌表其門

祿萬鍾妻薛氏

昭峨人貞節守義景泰間旌表其門

高源妻王氏

建水人年二十四夫卒子宏方四歲王紡績供之後宏長能襲

父官王以壽終年分失傳

趙寧妻王氏

建水人年十九夫喪無子父毋令改志誓不從孀居四十餘年

終寧女適徐果早寡亦勵節如其母

喬明妻許氏

通海人年二十一夫故守節自誓教子相有成宣德元年事聞

旌表

曾 麟妻曹氏

建水人曹闕之女年二十六麟卒孝事舅姑撫育幼子終無異

志成化年間奉旨旌表

蘇秉鈞妻陳氏

石屏人十九喪夫生子歲餘教之成立始終一志年分失傳

李 瓊妻蘇氏

石屏人年三十喪夫苦志訓子人稱其節年分失傳

萬 傳妻張氏

建水人年二十二傳卒無子誓不他適紡績以養舅姑終喪如

高 禮既乃痛曰夫歿無嗣所不死者為舅姑耳今吾事畢矣遂自縊於寢室家人救免獨居

六十餘年親睦樂施九族人有婚喪不能舉者皆周濟年分失傳

楊雲鸞安楊氏

石屏人見父乏嗣誓不字人父病割股以救之年六十八鄉里

罕見其面州人呼為

聖老貞女年分失傳

李 茂妻周氏

阿迷人年二十八夫卒二子二女紡績撫育底於成立年分失傳

張 曄妻李氏

寧州人十九喪夫屏華飾堅苦節事姑敦婦道弘治五年建祠

旌表

曾 祥妻賈氏

建水人賈千戶之女祥鄉舉卒氏守志撫孤歷五十年子孫相

繼成立皆其力也弘治六年旌表

王 勛妻趙氏

阿迷人年二十八夫卒撫孤子就學後子婦皆卒再撫遺孫成

立人以爲難年分失傳

王家相妻楊氏

石屏人家相死氏年二十七矢志事姑教子夔龍登進士萬曆

王二十二年巡按
御史奏聞旌表

邢思明妻藍氏

建水人年二十七夫亡無子人勸其再適藍乃自縊鄰人救之

不死壽六十餘年分失傳

繆忠妻劉氏

建水人忠死年三十甘苦食貧誓不異志子昇娶王氏昇死亦

與姑同節當道復其孤養之年分失傳

馬敏妻楊氏

建水人年二十孀居撫孤終老年分失傳

馬良妻周氏

建水人年二十四夫亡子喪誓無他志老年分失傳

張顯妻蔡氏

建水人年二十夫卒子坦甫四歲同妾趙氏年十九守節撫孤

後坦長娶譚氏爭卒譚氏年二十守志如其姑鄉人稱一門三節年分失傳

楊誥妻尹氏

寧州庠生早故氏年十七無子誓節不渝年八十餘卒正德十

六年臺司以聞建坊旌表

楊本妻范氏

阿迷人年二十一喪夫無子父母不能奪其志孀居四十年人

無間言嘉靖間分守叅議趙淵表其門曰節婦

楊鼎妻何氏

建水人年二十五夫亡躬操機杼事孀姑吳氏形影相吊吳年

八十三何年五十九一門雙節奉旨旌表年分失傳

祁會妻張氏

寧州人張仁女年二十一喪夫舅姑欲奪其志斷髮自誓始終

不渝年七十六嘉靖八年勸曹旌表

彭景妻金氏

建水人景病革託以老母幼子及卒不負夫託年分失傳

何儼妻王氏

建水人正德間由鄉舉授四川銅梁縣知縣未仕卒於京二子

俱在襁褓氏年三十五家貧如洗誓不改節貴族有以謀覘其意者斥拒之諸姑以為言

即欲求死撫教二子甚其志節自書謹撫按憐其貞節旌之

楊以榮妻沈氏

通海人夫庠生家貧紡績以資膏火十九喪夫遺腹五月利其

產者謀令改嫁沈抱兒向靈號勸乃自縊隣婦救免歷四十五年終弘治三年事聞旌表

萬昂妻王氏

建水人夫卒年二十三養姑撫子至親罕見其面有老嫗誘言

以探其意王即引刀斷其志節四十年人指其節凜然年分失傳

李松妻歐陽氏

建水人歐陽順祥之女人年二十七松卒遺孤葉三歲家貧紡績

育以成人壽七十餘卒年分失傳

段文斐妻王氏

阿迷人夫卒撫遺孤子二女六躬織經無他志年分失傳

王璠妻趙氏

名惠澄建水人幼寡言笑年十五歸璠後卒趙哀毀幾絕蔬食

終身年分失傳

胡世熙女胡氏

初許聘指揮孫治心之男孟麟孟麟近疾危女年十二秘割股

煎湯告於母令使以進數日麟故即欲自盡賴母救得免竟歸夫家守志不二十五餘年

張實妻李氏

建水人生子瓊甫二歲實歿遺腹生子氏撫二孤時年二十二

守節垂四十年終年分失傳

葉萃妻楊氏

建水人年二十一適萃三年萃卒欲自盡家人防之得不死嬰

病托孤於兄而卒年分失傳

劉 錕妻朱氏 建水人年二十七夫亡無子守節不二獨居紡績壽終年分失傳

朱 湧妻梁氏 建水人年二十夫亡無子守節終身年分失傳

楊 藩妻劉氏 河西人嘉靖三年藩亡無子劉年十八守節而終

趙 署妻張氏 蒙自人孀居八十二年撫育孤孫年至百歲以節壽聞年分失傳

邢思義妻高氏 建水人年二十六夫卒無子悲號幾絕與一老婢紡績自給壽八十終給事中李遇元為志其墓年分失傳

吳 浩妻沈氏 建水人浩死沈年二十四子尚襁褓誓不改節年分失傳

李 樵妻高氏 建水人夫病草時以子女皆幼囑其鞠養高許諾後皆長成婚


胡 銳妻葉氏 建水人年二十三夫卒養姑育子無異志年分失傳

曹 鼎妻葉氏 建水人痛夫之亡欲即死不得截耳置棺中聞者悚然家貧善事姑撫弱女冰蘖之操聞於

毛 鶴妻黃氏 建水人夫亡痛絕親戚勸之居一室足不越門限課子守節五十餘年人以苦操稱之年分失傳

華 稱之年分失傳

余 洪妻徐氏 建水人洪任訓導卒於官徐年三十扶櫬歸葬撫孤成立親隣



罕見其面
年分失傳

華 玉妻曾氏 建水人王以指揮卒於兵事貴
裝始盡曾守貧育孤以壽終年

分失
傳

喬 楫妻曾氏 通海人夫卒子方二歲剪髮毀
形誓死守節善事祖姑孀居五

十餘年事
間旌表

趙士貴妻李氏 建水人夫喪家貧紡績育孤為
鄰庠生人稱其節年分失傳

蔡 仁妻吳氏 建水人仁卒吳少無子人勸之
嫁剪髮誓死終養舅姑人稱其

節年分
失傳

孫應鵬妻戴氏 寧州人年未入喪夫事姑甚
孝守節八十二年勸實旌表

萬 鑛妻王氏 蒙自人年二十夫卒父母迎之
歸欲奪其志毀面不從葬其舅

姑撫育二子皆成立食餼後俱死於亂復育
其孫及其孫之二子以禮自持老而彌篤三

尺之童罕見其面
兩為當事所獎

段 繼母江氏 蒙自人芳年夫卒育其孤段繼
幼而瞽家無可倚苦節終身繼

卒其婦萬氏亦同矢志初萬氏許配繼猶未
嫁也繼忽盲父母欲奪而嫁之萬氏號泣歸

段門不慕榮富事夫甚謹不幸
又失所天從姑守節沒齒無怨

任 官妻李氏 建水人官貢之京卒李年三十
餘守節課三子皆業儒食廩每

東 聞旌節之聲輒止之謂為
婦人分內事壽八十卒

伍 應祖妻劉氏 建水人應祖故氏年二十二子
鍾幼甘貧事孀姑撫子成立督

學匾獎年
分失傳

東 欽妻盧氏

河南光山人欽父任御史以事累謫戍通海未至夫婦俱卒有

司起其家以從盧與夫至通海未幾夫徇和泥沒於兵盧日夜號痛勵志自守有為張氏求聘者拒之不得乃自縊於室救之甦張強治聘盧號痛作地欲絕復不食者三日夫之妹使從已遠避盧佯許之行及海畔立繩投水死嘉靖二十三年事聞旌表

楊文光妻馮氏

文光府庠生娶馮僅暮年卒氏年十七無子剪髮入棺以死誓

郎不食或以舅姑慰氏乃勉存紡績以養比歿喪葬如禮守節四十年卒年分失傳

李 完妻曾氏

完臨安衛指揮卒氏以死自誓撫孤子仁成立仁卒撫孫申珍

中珍卒又撫曾孫五十餘年齋蔬自守嘉靖二十五年巡撫郝維嶽聞於朝旌表其門子

林婦樊氏孫婦趙氏皆孀
居守志人稱世節云

譚敷惠妻李氏

建水人敷惠卒氏年二十餘甘貧養姑守志不二十五十年學

使旌其門日貞心
苦節年分失傳

張國相妻陳氏 張國卿妻王氏

俱建水人本府知府秦懋

官獎詞有云一門特著雙節
兩人並可齊芳年分失傳

楊日華妻向氏

蒙自人夫早卒時有王重儀挾兵勢欲娶之氏不從舅姑懼禍

乃歸之母家卒為所迫而許嫁
焉及期迂輸入室沐浴自縊

孫汝才妻段氏

通海人年十七夫亡家貧無子有勢家謀為繼室欲死救活守

志終身嘉靖二十八年事聞旌表

張廷祚妻李氏

蒙自人嘉靖末祚赴兄難死李年尚幼或勸其改節李矢志不移苦節撫孤年九十餘萬曆間奉旨建坊書死義張廷祚妻李氏貞節之門有勅旌曰百鍊剛腸一生嫠節所天率同胞以死難揮戈生氣猶存求原哀遺骨而立孤崩城餘烈可想啼鵲聞之墮淚

想啼鵲聞之墮淚

生氣猶存求原哀遺骨而立孤崩城餘烈可想啼鵲聞之墮淚

想啼鵲聞之墮淚

樊惟卿女樊氏

惟卿為新安所千戶女八歲失怙恃其兄謀聘府庠生胡啟啟

貧有疾弗克娶祖母欲奪而嫁之女聞泣曰從一而終婦之道也聘即大義定矣胡可更

耶乃自縊家人覺解其屍惟抱胡生原聘物耳時年二十

陳紹儒為文墓祭旌其門曰貞烈女

杜雲漢妻吳氏

蒙自人夫亡吳年二十一安貧訓子九十五終萬曆二十年奉

旨旌獎曰貞節

王維新妻杜氏

河西人萬曆十八年維新死氏守節年甫十九歷六十年終

趙華妻孫氏

通海人華卒撫孤廷相長娶張氏年二十廷相亦卒張撫其遺

腹子守志如姑人稱雙節萬曆四十年事聞旌表

葛阜妻夏氏

河西人阜為諸生卒夏年二十五守節歷五十餘年

余必明妻楊氏

嶧人楊應元之女年二十三夫卒育子一歲家貧姑老氏紡績養之姑卒殯葬如禮撫孤遊泮守節四十

三年子余允妻畢氏年二十二夫亡有議婚者畢以死自誓守節六十二年天

啟年間事聞於土區其門曰雙節

台生妻黃氏

通海人年二十喪夫甘貧守節養孀孤撫幼子宗族欲奪其志

不從天啟五年事依無傳宗廟廢棄法
聞旌表夫名失傳

劉經妻張氏 通海人夫患疫籲天代死夫卒
依孀母陳氏閉門紡績聞有求

聘輒抱遺孤痛哭矢志不二夫三年四歲
從天啟六年事聞旌表

楊榛妻萬氏 阿迷人天啟間夫以公事溺水
死萬聞訃自縊其母救免遂自

誓守節院
道獎勵

郝孟陽妻孫氏 通海人夫卒氏年二十三悲號
欲殞以有三月幼子誓守撫育

旌表

楊懋學妻湯氏 阿迷人年甫二十夫亡踰月生
遺腹湯撫之事公姑盡孝子楊

延嗣弱冠登科崇禎戊
寅年奉勅建坊旌獎

王紳妻張氏 寧州人張念中之女夫卒撫育
三子成名年八十餘終崇禎五

年奉旨
旌表

杜存愛妻黃氏 岢峨人黃中元女土賊入境被
執石山嘴氏奮身投巖頭面皆

破痛罵不已賊大怒分裂其屍崇
禎間學使旌其門曰完名全節

本朝

許爾成妻李氏 石屏人爾成州庠生李適爾成
上事翁姑克盡婦道爾成卒氏

年二十八子三人均幼釋李苦志教育次第
成名守節二十二年康熙三十年具

題旌
表

澂江府

明

謝君用妻王氏

淮陰人洪武庚午從夫成瀆攜其子仁并姪禮義過采石遇盜

度不能兩全乃棄其子携二姪來君用卒王守節四十餘年撫姪成立知州陳恕重其節

白之當道旌以綺幣

王安壽妻李氏

河陽人正統初年安壽應貢卒業成均任養利州同知前後十

餘年李氏居家孝事舅姑後安壽卒於官氏堅節撫子葬祭翁姑如禮壽八十四卒

王士奇妻陳氏

江州人未嫁奇卒守貞不更配成化二十年奉旨建坊旌表

李全妻張氏

河陽人年二十夫卒遺腹生子亦卒五十餘年節不能奪弘治

王旌獎

間撫按

題旌表

李應和繼妻楊氏

雲南縣人年二十夫死撫前妻張氏子偉成立壽七十一

題旌表

趙應龍妻黃氏

太和縣人夫故氏年二十九守節六十餘年撫孫士傑成立康

題旌表

永昌府

元

元

黃善妻張氏

保山人名藥師蓮父名開極年十六適善善卒家貧守節撫育

遺孤定大德己酉張年七十一尚無恙定赴京訴其母之貞操詔旌其門授定以鎮撫

明

夏

寧妻葉氏

保山人葉生先女年二十夫卒一子五歲時姑亦已孀居二

十二年氏紡績以養志節凜然教子讀書洪武元年有司以聞旌表其門

李

勤妻張氏

保山人張君弼女年二十六夫卒生計蕭然竭力養婆姑撫幼

年御史劉廷儀疏奏旌表

宋

氏

金華人其夫任闡中守洪武中以誣卒於獄宋坐戍金齒撫其孤來戍節操凜

然有郵亭題壁詩嘉靖十六年御史陰汝登立祠以祀三十二年御史黃中刻其詩於祠

夫父姓名失傳

張思仁妻王氏

思仁山陽人戍金齒卒氏年二十六父母欲嫁之氏曰夫死遠

水之

速大用妻陳氏

河陽人陳有德女年二十四夫卒撫子有成隆慶間巡道旌獎

江淮妻方氏

年二十二夫卒方守節不移撫育二孤事聞旌表

袁志聰女

河陽人十歲時許聘王守業未嫁業出遠遊不知死所有求婚者諸嫂強

之往往河畔投溺毋奔救回竟閉門不見其嫂茹蔬紡績節操彌堅萬曆間奉旨旌表

陳俊妻顧氏

江川人顧廷珍女年十九而娶撫子竟節萬曆二年氏年九十

而四年卒

賀璽妻程氏

江川人程希灝女萬曆二年夫死程年二十九守節三十餘年

本朱震春妻張氏

江川人張經女萬曆十一年守節養姑訓子五十餘年

本朝 雲南通志 卷之二十三 三

徐禧麒妻趙氏 路南人年三十二夫死立志守節課子致遠遊泮孫之愷領鄉薦

有孫十餘人曾孫九人皆苦節所致康熙二十四年奉

旨建坊旌表 無子曾孫皆苦節

吳嗣徽妻陳氏 年二十夫卒遺孤純祐方三歲紡績撫育善死不渝守節四十

題旌表 三年康熙三十年具

武定府 年二十二夫卒守節不

明 年二十二夫卒守節不

李臻校女 和曲人年十八許聘張節未幾節死誓不更字嘉靖七年兵變途遇一男

子執其手即以刀自斷其手而死今東郭外有旌節碑記

李含英女李氏五姐 和曲州人志在養母不適人嘉靖七年鳳朝文叛刎

節 頌盡

魏守恭妻胡氏 祿勸州人守恭為千戶遠出嘉靖末年阿克之變氏聞城陷率

二子望闕叩首自縊死

成乃貞妻李氏 和曲人李為勳女嘉靖七年鳳朝文之變為賊所執撞地而死

州守為倉天

何天相妻高氏 和曲州人萬曆三十五年克舉之變城破天相令同走出避難

氏知無所避乃曰今日之事吾與若有死而已言訖抱八歲女投之於井次及幼女繼以

身死見者無不痛之

居之敬妻趙氏

元謀縣人崇禎末年吳必奎叛城陷投井死

張韜妻俞氏

二十歲守節竭力養姑四十年如一日

夏某妻趙氏

夫名失考城陷自縊

楊春霽妻辛氏

性貞靜通經史霽死氏甫二十歲堅志守節集古今列女事

作小囊佩之年八十五有疾卻藥不進日六十四年清白可隨夫子遊地下矣含笑而卒

廣西府

明李合英女李氏

人壽八十卒鳳閣文苑

趙理妻張氏

郡人張廣之女年二十五夫亡子幼不嫁壽八十萬曆元年撫

按旌

郭尚賢妻趙氏

郡人趙鳳羽之女其初父母已許婚尚賢爭欲改盟更許豪家

趙耻背盟自縊得救竟如其志善事舅姑姑病劇凡三割股療之萬曆二十一年撫按旌

之至今名其里曰賢孝街

楊大謨妻段氏

彌勒州人段岡之女大謨為黑

謨奮勇殺賊死於陣段氏撫其孤以節自持翁姑欲奪其志遂自縊天啟辛酉年奉占旌

表

趙信妻楊氏

郡人年少而貧夫亡守節有司旌之年分失傳

暨希妻周氏

希役臨安隨知府朝觀卒於道遺一子暨大器時周年二十聞

計死而復甦無孤同伯母居住每役以所不堪志節愈勵有太姓屢欲奪志竟不移惟刺紡教子及大器應貢仕陳雷隨任就養年五十六而卒大器以調選爭父柩歸合葬云

元江府

明

王諍妻黃氏

元江人蚤歲喪天訓遺孤廷輔以儒業歷四十餘年萬曆末年

督學荆光裕旌其門曰日南正氣

楊德先妻馬氏

元江人夫死年幼守節無改志終年勞失傳

何源清妻李氏

元江人年十八清卒痛毀欲絕父母翁姑曲慰之竟飲藥死年

分失傳

何源深妻曾氏

元江人年十六深卒誓不再嫁年分失傳

馬宗範妻白氏

元江人年十六喪夫孀居守節五十餘年年分失傳

李儒妻楊氏

元江人儒死氏年二十三剪髮毀容願以死殉其姑寬慰之乃

帶掘襄事修其婦職姑病賴割股而痊撫遺腹子希聖為歲薦士終其身六十年不易云

年分失傳

大理府

漢

曼阿娜妻阿南

太和人漢元封間其夫為漢將偏裨郭世忠所殺欲妻之南曰

能從我三事乎一作慕次祭故夫一焚故夫衣易君新衣一令國人徧知禮嫁如其言於

六月二十五日聚國人張松慕置火其下阿南袖刀出令火熾盛乃焚夫衣自引刀斷身什火國人哀之每歲以是日燃炬聚會為弔後人名為星回節及南詔滅五詔亦以是日

舉火

唐

鄧賧詔妻慈善

鄧川人唐開元間南詔合六詔為一遂因星回節會晏以火滅

之明日各詔妻等夫骸不識惟慈善昇之以歸初慈善止夫無行行必得禍弗聽存以鐵釧約其臂而別至是果罹禍認釧而得夫骸南詔主以幣聘之善以夫未葬為辭乃治塋事竣堅閉其城南詔主發兵圍之三月食盡盛服端坐而卒南詔悔旌其城曰德源

元回鶻妻會刃

嘗不再嫁卒於夫斃

段功女羞娜 大理人一名僧娜段功之女元至正間功遇害娜志在復讎後將歸阿黎氏出繡旗示第寶曰自我省事之日即聞父冤欲復讎於梁王專待汝長成繡此旗今七年矣我歸借兵夫家汝亦提父兵來會此旗為符慎勿我違咏詩而別

明

胡澹妻奚氏

鄧川人澹為千戶卒奚年十六姑憫之奚日娶婦以養母也母

無他子誰適為養其姑不能奪後有詔旌其門時天順三年也

楊和妻施氏

楊

璘妻趙氏

楊謙妻

張氏

皆太和人以夫亡守節有司奏聞明成化二十二年詔旌其門曰二孝三節楊

一清周洪謨嘉其事各為序記以表之

阿旻妻陶氏 鄧川人夫為鄧川州士官未襲

十餘年弘治間旌表

何偉妻趙氏 郡人偉以母病覓藥溺水死趙氏大慟亦死之奉旨旌其門曰

貞烈

楊汝為妻楊氏 太和人夫亡撫幼子柝居一室女紅自給家人罕見其面柝登

進士嘉靖癸亥入告旌表其閭

張守綸妻陳氏 太和人綸為舉人卒明日陳隨自縊嘉靖年間督學趙維垣以

烈婦旌之

宋良臣妻郭氏 大理人良臣大理衛千戶生子應甫四歲夫卒郭年二十八廿

貧守節撫子長承襲水蘖益勵應亦善事母稱孝子撫按廉其實匾曰樹節風賢年分失

傳

周鳳妻袁氏 大理人鳳為大理衛指揮卒袁守節撫其子瑞娶徐氏瑞卒徐

亦撫其子之是守節如其姑撫按旌曰雙節年分失傳

崔喬遷妻李氏 太和人喬遷為諸生早逝氏矢志不二明嘉靖年間監司旌表

劉君寵妻懷氏 大理人早年而娶家貧苦節觀風者崇獎焉年分失傳

譚本仁妻姚氏 瀾滄衛人夫卒氏年二十九守節訓子臺司獎其門年分失傳

趙璘妻王氏 趙州人許聘璘後有土官願納白金五百償璘聘資黃金五十

饋其父欲改圖不從竟歸璘不二年璘患疾不愈病中遺命更嫁王盡髡其髮納夫袖中

以矢同穴夫既卒父母舅姑強之嫁不從遂
坵面率其孤同農婦作止又富家強委禽者
氏聞拊胸嘔血死嘉百賞報明黃金五十
靖年間監司旌獎

楊本洪妻劉氏

太和人年二十而字未幾洪病甚父母欲改嫁不從竟歸洪待

藥籲禱踰月洪死劉遂自為年八十
嘉靖年間監司旌獎

趙文振妾劉氏

太和人振為通判卧病劉待之甚謹踰年如一日既卒劉送葬

歸自繪嘉靖十七年夫歿
年大理府旌其墓

王汝為妻楊氏

太和人必參楊南金之女年二十夫死環土於室四十年家

人不見其面甘貧撫孤
嘉靖年間督學旌獎

邵麟妻李氏

太和人年二十五夫卒家貧碎繡自給撫二孤皆為諸生嘉靖

間監司旌獎

沈秋妻楊氏

太和人夫卒衣不周身內戚祿以紵衣楊曰夫子生不受人憐

遂以敝服歛庶幾黔婁妻之風焉甘
貧育子以勤苦終嘉靖間督學旌表

楊冕妻孫氏

鄧川人夫庠生卒氏年二十五孀居無玷當道表楊壽百有三

歲年分失傳

王文妻奚氏

太和人歸王三月王客死時奚年十八糞糶無依以節自誓夫

之弟欲得其產迫之奚曰姑少待未幾生遺腹子幹遂撫孤以女紅自給足不履闕幹長

娶媳生孫邦泰中嘉靖
巳酉舉人年八十五卒

劉繼文妻鄒氏

趙州人年十六箒賊掠白崖氏走水田中賊於崖上張弩以恐

之氏曰寧射死必不從賊遂射貫顛而死嘉靖年間事

馬明輔妻舒氏 洱海人輔為百戶卒氏年十九守節養舅姑撫子承襲六十餘

卒年分 失傳

楊永茂妻周氏 太和人年二十夫亡無子其貧守志齋居而已隆慶間分進僉

事陳應春 匾旌之

趙 鐸妻楊氏 太和人夫亡年三十五人欲謀奪其志矢死撫孤竟不渝年八

十二卒 稱賢節云年分失傳

陸 彥妻陳氏 太和人年二十八夫卒無嗣孀居三十三卒之日遺言以其

產為陸 氏祭田

王 幹妻張氏 太和人其家火災燼甚夫畏法赴火死後產業一空氏守節教

子李于邦泰領鄉薦 稱賢節云年分失傳

楊 模妻陽氏 太和人年二十夫死於外歸櫬之日悲痛嚙棺齒落守節壽終

奚 相妻韓氏 太和人相大理衛千戶早卒韓守節不移鄉人重之年分失傳

楊 濟妻張氏 太和人年二十七夫卒守志終其身

胡 洪妻馮氏 趙州人年二十七夫卒其貧誓節鄉人皆稱之年分失傳

楊 儼妻尹氏 鄧州人少矢所天撫子九齡齡卒其妻亦守節年分失傳

楊 燦妻李氏 賓川人年二十四夫亡舅姑老在堂紡績以供聞有求娶者毀

容斷指年五十大夫獻銀四十三年不愚其貧卒年分失傳

金 印妻李氏 趙州人夫病氏割股進之中年失夫孀居四十年不易其節

以壽終年分失傳

楊 敬妻秦氏 鄧川人夫亡年二十四撫二子子故又撫三孫成並年七十

張先翼妻楊氏 鄧川人夫亡年二十三欲自縊衆救之因齧指自誓有司旌曰

縊額捐軀魂幾飛於九地其良齧指矢節志不移於三天

艾自新妻何氏 鄧川人夫亡年三十有六守節教子丕著賢聲院道給米旌獎

楊 渭妻楊氏 雲龍人夫死氏正芳年子寅佐年八歲氏矢志守節忍死茹荼

孝養公姑譽洽鄉閭節符金石氏病子寅佐籲天請代割股進羹學道旌曰母節子孝

李 昇妻楊氏 浪穹人夫亡年三十矢志撫子友蘭以逸米應選按院以節孝

區之旌以聯云栢舟天地久霜節鬼神知後友蘭廬墓以報

楊 鑑妻李氏 浪穹人夫故年十八遺子甫一歲矢志守貞艱危不易課子及

孫皆成名士按院旌獎

楊 一鶴妻段氏 鄧川人夫亡年二十六守節教子育孫克承夫志萬曆間奉旨

旌獎

張 課妻劉氏 雲南縣人歸寧偕夫行遇寇於途乃皆避入蔡氏之家寇追及

之劉意寇如猛獸得人當止以身捍門寇欲掠之厲聲罵賊賊加刃於頸田宜速殺我不受辱也刃矛交集數創後猶裂裳塞痛捍門不移竟死門間其夫獲全天啟五年有司上

其事臺司檄祀於祠

本朝

時際明妻王氏

趙州人郡廩生王日都女夫于戶氏年二十與夫及舅姪避兵

於楊柳冲順治十五年冬為賊眾所執氏自揣不能脫引刀刎頸血噴賊衣觀者流涕康

熙元年巡撫袁懋功具

題旌表

陸萬頃妻楊氏

趙州人性剛烈歸監生萬頃順治十五年十二月賊兵至欲避

無門引厨刀自刎顏色如生康熙元年巡撫袁懋功具

題旌表

楊朝棟妻蘇氏

趙州人廩生蘇濟之女夫為諸生順治十六年閏三月避兵於

莊西穴中為賊所逼不辱而死康熙元年巡撫袁懋功具

題旌表

李應和繼妻楊氏

雲南縣人年二十夫死撫前妻張氏子偉成立壽七十一

終康熙二十四年具

題旌表

趙應龍妻黃氏

太和縣人夫故氏年二十九守節六十餘年撫孫士傑成立康

熙三十年具

題旌表

永昌府

元

黃善妻張氏

保山人名藥師蓮父名開極年十六適善善孝家貧守節撫育

遺孤定大德己酉張年七十一尚無恙定赴京訴其母之貞操詔旌其門授定以鎮撫

明

夏 寧妻葉氏

保山人葉生光女年二十六夫卒一子五歲時姑亦已孀居二

十二年氏紡績以養志節凜然教子讀書洪武元年有司以聞旌表其門

李

勤妻張氏

保山人張君炳女年二十六夫卒生計蕭然竭力養婆姑撫幼

子年八十七而卒洪武三年御史劉廷儀疏奏旌表

宋

氏

金華人其夫任閩中守洪武中以誣卒於獄宋坐戍金齒撫其孤來戍節操凜

然有郵亭題壁詩嘉靖十六年御史陰汝登立祠以祀三十二年御史黃中刻其詩於祠

夫父姓名失傳

張思仁妻王氏

思仁山陽人戍金齒卒氏年二十六父母欲嫁之氏曰夫死遠

方其父母老其子幼女即不肖寧忍負乎卒不能奪宣德五年詔旌其門

梁 貴妻邵氏

山陽人夫戍金齒卒氏年二十

五攜孤子收夫骨歸葬養其翁姑宣德間事聞旌表

谷添生保妻楊氏

騰衝人生子名金山正統三年思仁寇邊舉家出避金齒

保從征中嵐瘴死楊痛哭遂自縊於夫柩旁有司上其事詔旌其門復其家

張 較妻頌氏

較騰越衛學生病劇頌年二十

五淨泣不食預置衣裝以俟一女甫七歲貯一簣以昇之較卒遂飲毒母以他藥救解夜分復自縊死有司疏聞旌其廬

日貞烈正統年間事交名威

黃 桂妻李氏

桂為騰越諸生卒氏年二十四不御簪珥養姑教子為事姑歿

殯塋薦祭竭力以禮年七十餘貞操
如一日正統間有司疏聞旌其門

廖惟喜妻吳氏 吳弘勳女熹永平人氏荆布事
舅姑以孝敬聞夫卒守節終其

身內外 無間言

華 松妻林氏 林茂榮女松騰衝衛後所千戶
林年十七松卒矢節養姑撫遺

腹子復春襲松職未幾 苑林再撫孤孫以存華氏

白 浩妻閃氏 保山人年三十浩卒家貧子幼
且罹多艱苦節堅持父母不能

牽天順六年有司崇獎題其 門曰貞節遺芳父名志通

林 鳳妻閻氏 騰衝衛人閻清之女年十七歸
鳳四年鳳疾密割股而脯之以

進弗愈謂閻曰吾度不免汝少奈何氏泣曰
所不能從夫者以二子在襁褓耳敢有他志

鳳死杜門深居孝事舅姑及相繼歿勉勸事
未嘗以孤寡惜費焉天順年間事聞旌表

謝 定妻王氏 保山人王全修女天順間定任
四川開縣尹僑寓久不歸父母

皆八十餘王躬績紡以養之及病篤躬拭汚
穢翁辭之曰有天日在及卒惟一小室鬻五

金以塋人勸往求其夫曰 彼不吾顧矣遂空乏以終

朱 鑑妻徐氏 永昌人徐珍天女年二十夫卒
五月生遺腹子豫初鑑娶王氏

生子五歲而王氏卒至是徐誓死守志
績紡以養舅姑撫育幼子年七十三卒

吳 璽妻張氏 騰越張洪烈之女年十七歸璽
踰年璽卒張執節無二教子有

成天順間 事聞旌表

胡來觀妻陸氏 保山人陸雲成女年二十一而
寡守志七十年成化六年直指

疏聞
旌表

張晟妻鄭氏

鄭文元女晟騰越諸生故鄭年二十一矢志守節撫其子邦教

吳弘治中舉於鄉

卒年八十而卒

閔訓妻馬氏

永昌人馬奇至女年十六適訓四年訓卒遺孤珙甫三歲珙甫

米二月父母欲奪其志誓節不從

事舅姑撫二子年七十四終

梁毅女

永昌衛人年十六一日父母俱出外梁獨居有俠氣往挑梁大怒逐之泣

常應學妻梁氏梁為棟女騰衝入年十八歸應學六閱月應學卒梁拊膺痛哭

陸緒妻王氏

緒騰衝學生早卒氏守節每當令節輒哭不已憐里聞其聲咸

為傷惻歷三十餘年卒

朱正學妻張氏

保山人張新宇之女其姑病篤而嘗之以慰姑日醫言無害也姑聞之喜病遂愈

楊椿妻張氏

張偉之女椿嘉靖間舉人未仕故父母垂白子幼家貧張年二

十五旬富供俯仰每舉饑死不矢節之語以拒不諒已者歷四十餘年勸三喪哀慟成病六十四歲而終

潘承志妻邵氏

邵應魁女承志永昌庠生嘉靖間隨父任歿於桃源邵年二十

三二子方稚邵自甘荼苦撫孤兒竟夜績紡以佐紙墨一時三喪並集勤劬勸塾訓子允

三

列女

孚補弟子員孫一柱登甲科官御史守節五十三年

袁必通妻張氏

保山人張信安女必通故張年二十九有子熙亦卒遺二孫其

一四歲其一一生五月媳陳氏節行如其姑張守節五十餘年陳亦守節四十餘年

趙璿妻鄭氏

保山人趙高嘉女年三十五夫故娶姑在堂幼子在襁日事女

紅以養姑族人勸改節鄭氏必死守節終身剪髮自矢歷五十年壽終

蔣希賢妻袁氏

永昌府人袁高之女賢故氏年二十二無子止二女痛夫幾絕

或欲奪其志袁誓曰生飲蔣家水死葬蔣家墳遂為生壙蔬食布衣率二女辟纊供食歷

四十二年壽六十四終

劉儀妻李氏

保山人李元嘉之女儀卒李年二十四歲無子而貧苦節不移

鄉人欲上其事辭曰夫亡守志禮也何足異卒年七十八族人憐而葬之

劉傑妻毛氏

永昌人毛文華之女傑由貢生任湖廣枝江學諭服闋謁選至

真定病大作毛百計救之刺血疏神竟不起泣訴於巡撫得郵符徒步與幼子麒扶柩歸

艱窘益甚喪夫時毛甫二十六卒年五十四後子麒中嘉靖年間鄉試

閃應華妻穆氏

永昌人穆斌女夫早逝穆年十九一子方襁褓翁姑俱老氏拮

据紡績至夜分聞雞而起以供朝夕如此者四十年

瞿爵妻朱氏

永昌人朱國禎之女爵為諸生故朱年二十三無子攻苦食貧

養其姑舅不從更嫁之命嘉靖年間巡按御史劉涇以聞樹坊旌表

趙萬善妻陳氏

善騰越諸生病時陳多方調治不愈及歿自縊家人急解救得

不死其姑嚴防之計不獲施割入急閉其

岳松妻陳氏騰越人陳洪才之女早寡矢志不移養姑教子嘉靖年間臺使

旌異之匾日貞節

陳大道妻汪氏騰越人汪潭清女年二十二夫卒撫孤守節終始一致

楊啟升妻李氏騰越人李華女啟升以庠生應試疾卒李年二十一歲守節教

子二十餘年人無間言

鄧文逾妻黃氏騰衝衛人適文逾年餘而文逾卒婦姑母子相依為命者五十年

餘年竟以壽終

陳溥妻趙氏 易原鼎妻龍氏 李達妻

席氏俱永昌人皆因夫早逝守節撫孤成立年分失傳

俞富妻阮氏 俞祥妻黃氏俞本合肥人明初籍金齒從征

安南兄弟俱戰死阮年二十黃年十九俱誓死無他學士汪諧名其堂曰貞節傳芳年分

失傳

吳氏二女長曰貞烈次曰貞潔其父指揮吳貴本繁昌人貴卒子經綸繼卒無嗣二

女憫其絕世間關走闕下哀求得移檄繁昌取吳雄者嗣之二女竟誓守女節以終後合

葬於廓外題其墓曰吳氏二貞年分失傳

戈諫妾韓氏無錫人年十七諫判永昌納為妾後官僉事卒韓守節自誓或

隣其少欲奪之韓自縊於私室分廛命事安如山檄郡縣旌其門年分失傳

張本妻胡氏 永平禦人年二十八而本亡氏六十餘年守節不二妾陳氏與

嫡同志御史林應箕 獎其雙節年分失傳

陳大猷妻馮氏 保山人猷故馮年二十五翁姑垂老賴以有終撫孤侄如已子

其父欲更嫁誓 死不從以節終

孔宗明妻劉氏 永昌人年二十三而寡紡績二養翁姑茹貧撫子年分失傳

王重光妻段氏 夫死守節事舅姑鬻產營葬教子力學夜分不寐屢經表揚

節婦 祠

楊廷詔妻謝氏 二十守寡無嗣矢志養姑克盡婦道鄉隣僉舉年七十終

丁烈妻張氏 年十八夫故遺腹三月家貧守節不嫁生子丁盛虞教育成人

奉旨旌其門曰茹荼守節享年八十有吳氏者一同旌獎未註實行

吳承祚妻賡氏 夫死無嗣守節不嫁以女王自給歷五十五年始終不二

楚雄府

明

楊循正妻趙氏 廣通人年十八夫卒誓不他適課家人耕織自養三十餘年卒

嘉靖二十五年知縣吳習加表其墓

蘇蘭妻董氏 廣通人夫為諸生卒氏年二十六撫二幼子事其姑嘉靖丁亥

年鳳山之變負姑遠避免難壽七十五而卒

滕秀宗妻金氏 定遠人年二十夫卒誓不二志撫二孤年踰八十而終嘉靖四

十五年
旌表

包遇景女包氏

定遠人未許聘值鐵索菁寇劫掠執之女誓不受辱遂為賊所

殺隆慶六年知縣王廷爵聞於院道表其墓

俞汝諧妻仇氏

楚雄縣人諧為諸生卒仇年二十四欲自縊殉之賴戚屬防救

不死攻苦茹淡窮年閉戶惟一老婢相依雖母戚罕見其面孀居五十三年萬曆三十年

巡撫御史聞於朝旌表其門

鄒敏妻戴氏

鎮南人十八夫亡守節至七十三終萬曆二十八年院司旌獎

張大志妻謝氏

楚雄縣人氏年二十五歲守節冰霜自矢丙外咸稱萬曆三十

三年院道具題建坊旌表

施宏猷母蘇氏

楚雄縣人蘇年十九守節翁姑憐其幼勸之嫁輒痛哭流涕誓

以死存孤襁褓撫育成名萬曆三十七年院道具題奉旨旌表夫名失傳

丁雄妻趙氏

楚雄縣人年二十五歲喪夫孀居教子五十年萬曆三十七年

院道具題旌獎

丁大受妻羅氏

楚雄縣人年二十八歲守節至八十七歲壽終萬曆三十五年

院按賜粟旌獎

吳東岫妻謝氏

楚雄縣人年二十九歲孀居苦節歷四十五年撫育諸孤咸有

成立萬曆三十四年院按旌獎

謝應舉妻陳氏

楚雄縣人年二十七歲喪夫苦守四十五年萬曆三十四年

按旌 表 年四十五 卒萬曆三十四年

王定邦妻孫氏 楚雄縣人年二十九歲守節治家嚴肅日以忠孝節義訓迪二

吳子承寵承憲俱死國難氏八十歲節不弛三歲卒萬曆四十年公舉旌表

陳世武妻童氏 楚雄縣人年三十歲守節至七十歲萬曆四十年道府旌表其

門曰 節壽 楚雄縣人年二十六夫死守節

喬惟嵩妻安氏 楚雄縣人年四十八年萬曆四十一年巡撫

旌 獎 楚雄縣人年二十五夫死守節

楊淮妻陳氏 南安人年二十二夫死守節廿餘年卒

萬曆間撫 按旌獎 楚雄縣人年二十一夫死守節

戎 棘妻伍氏 楚雄縣人年二十七寡居六十餘年八十八卒

張時詔妻仇氏 楚雄縣人年十六歸張二年夫卒生子取光彌月撫之至於成

立萬曆四十二年巡撫旌獎

衛 宜妻揣氏 鎮南人衛死於戍揣年二十三寡居八十歲卒

周 瑀妻徐氏 鎮南人年二十五守節至七十五歲壽終萬曆四十七年道府

旌 獎

裴 泰妻陳氏 楚雄縣人泰為百戶卒氏年十九苦節訓子應章襲職族人逼

嫁以死自誓事翁姑終如其始誨二孫一居官一廩庠壽八十而終

王 海妻錢氏 定遠人年二十八夫亡守節無子友義為廩生歷四十餘年卒

王萬曆間撫按旌獎

周國禎妻張氏

定遠人年二十禎踰垣歾死張

裴而

從

其血情極哀勵踰三旬自縊

周孔徒妻孟氏

年三十夫故守節四十年次子

周旌

表

昌祚明末進士具題奉旨建坊

周如盤妻陸氏

夫故年方十五悲涕不已願以

母事自陳共建坊表揚

孟宗聖妻溫氏

定遠人夫卒守節年二十餘事

氏

選貢以母老不仕色養終身天

何本洪妻李氏

黑鹽井人年二十二夫故遺腹

雙節著聞天啟五年院道旌獎

陳士心妻東氏

定遠人年二十六夫為諸生值

益篤割左臂進之翁疾果愈後夫有疾復割

右臂以進救之亦愈凡食味必先誠敬奉翁

李銓妻楊氏

楚雄縣人年二十六寡居時翁

喪皆不違禮

羅綱妻李氏

楚雄縣人年二十九夫卒子幼

而卒天啟三年院道旌獎

陶 濂妻梁氏

南安人濂鄉薦第一卒時家如懸罄子幼無依梁苦志其貧守

節教子以壽終

何 景妻馬氏

廣通人年三十夫卒守節壽九十而終天啟六年院道旌獎

段 熙妻陳氏

鎮南人年二十孀居守節至七十八歲終天啟二年院道旌獎

張 延年妻潘氏

楚雄縣人年二十四夫故子洪烈四歲守節六十年洪烈官

至四川行都司都指揮使天啟初覃恩晉上柱國光祿大夫封母二品夫人奉旨旌表年

刺 以和妻楊氏

楚雄縣人年二十三守節至九十二壽終六十九年如一日撫

節天啟元年院道旌表

侄生孫七人闈門公舉貞獎歲年九月二十

楊世恩妻常氏

廣通人崇禎五年野賊破城焚屋氏不受辱入烈焰中死奉文

旌獎

徐光鼎妻萬氏

廣通人崇禎五年野賊破城氏不受辱跳入深池公舉通詳奉

批旌獎

楊伯堅妻李氏

黑鹽井人生男珎甫三歲夫故苦節三十年崇禎六年道府旌

獎

姚汝諧妻謝氏

楚雄縣人汝諧為舉人卒無子氏苦節三十餘年志操清潔崇

禎八年巡按旌獎

徐承惠妻王氏

楚雄縣人二十六夫故翁姑老子女釋氏誓死靡他竭力孝養

姑病年餘氏衣不解帶親嘗藥餌始故殮墓皆氏拮据辦之矢志四十四年有子國琦克

孝崇禎十一年當道旌表

王象乾妻卞氏

楚雄縣人夫死守孀四十餘年確遵夫命撫育三子崇禎十五

年巡按旌表

姚安府

明

高惠妻譚氏

姚州人譚世傑之女夫早卒守節終身成化元年有司申詳旌

獎

陳友忠妻魯氏

金陵人魯元之女隨父戎於姚安所年十七適友忠生子甫三

歲友忠戰死於交趾氏年二十人勸再適以死自誓孀居六十餘年成化三年間詳請旌

獎

劉濟妻胡氏

姚安所人成化間濟卒無子異議者不能奪其志以壽終有司

旌之

靳志妻趙氏

姚安所人趙世爵之女生子七歲夫死守義及子又卒撫其幼

孫弘治元年知府陳綬旌之

張震妻王氏

自鹽井人王有成之女年二十夫卒撫弱子世崇成立娶婦李

氏後世崇亦卒姑婦相依俱不變節嘉靖五年提舉徐璣以雙節表其門

王經妻張氏

大姚人張漢科之女經為諸生早喪生子鳴鳳三歲舅姑在堂

生事寥落氏處之晏然鳴鳳後以慈訓歷官知縣清節自持人莫不贊其母弘治元年巡

按御史楊銓作相舟堂記以紀之侍郎彭黠贈以詩曰半生忍死為兒忙看得兒成髮已

霜影對青烟寒共守味分黃柏苦同嘗節堅本是筠為性蓬直也因麻在傍慢說相舟當

日事在媛節義不惟姜

施經綸妻張氏

中地所入張柏齋之女夫歿於官臨訣托以養父母氏扶櫬歸

或強再適泣謝曰吾翁姑老矣違夫重託何以見夫地下誓死靡他逾二十年卒而奉旌

獎

徐淮妻龔氏

姚州人淮為諸生早喪氏其苦守節四十餘年課二子皆入學

萬曆四年有六十餘年如外三年間再旌司申詳旌獎

蔡銓妻張氏

姚安所人張有成之女喪夫守七歲子終其身萬曆八年院司

獎

徐化妻陳氏

姚安人陳太元之女化歲真廷試歸卒子體震幼氏甚貧訓子

誓不他適後子丙午鄉薦萬曆三十二年奏聞旌表八旬而終

高守臣妻陳氏

姚州人年二十六夫卒守節訓子有成稱醇厚篤學焉奉文旌

日霜雪之操金石之節教子有方內外貞白

郭之瑜妻何氏

姚安人年二十五守節訓子崇禎十三年兩院旌之

鶴慶府

明

許喬遷妻樊氏

郡人喬遷卒於京樊年十八舅姑欲奪其志剗目割鼻憤怒成疾六十而卒知府以詩輓之年分失傳

李醜妻李氏

郡人年二十三夫卒一子懷抱一子遺腹後皆卒氏不易其操居五十餘年卒當事者旌之年分失傳

楊從宜妻李氏

郡人從宜為諸生疾篤以父母幼子囑之李遵遺命守貞當道表揚年分失傳

段廷實妻尹氏

劍川人夫以鄉舉卒於京尹年二十八無子以死自誓孀居三十餘年卒直指旌之年分失傳

劉旌妻張氏

郡人旌為諸生卒張年二十三有遺腹斷髮殉夫四十餘年如

一日馬年分失傳

徐文宗妻張氏

劍川人宗為諸生卒張年二十遺腹生一子龜勉為宗嗣計矢志不二壽七十四年分失傳

羅雲鳳妻段氏

劍川人雲鳳卒段年二十六無子自守父母不能奪其志年分失傳

李樂道妻楊氏

劍川人樂道為諸生事繼母孝呼求代及卒哀葬隨縊死以從年分失傳

楊嗣光妻阮氏

郡人年二十二明末隨夫任陽宗因兵亂回鶴至洱海亂兵四至度不能脫往依所親避石洞中為兵所獲氏激烈不受辱奪刀自刎

順寧府

明

猛 繼妻易榮

猛

朋妻易喬

順寧府人俱以相夫成功

李

西平侯上其勳皆贈恭人年分失傳

奉 祿妻猛氏

順寧人土司猛雍女適大候土官奉祿雍惑於後妻欲使改嫁

羅

土舍奉誥會猛氏歸寧誥以木邦無攻大候掠奉祿氏素衣獨居一樓憂憤雍諷其服節

段

之陋女曰夫存亡未可知欲與俱死何心改服乎雍因約奉誥將逼之氏佩刀自防數月

念

乃餌以毒氏恨不見夫雷緬書一紙詞氣甚悲巡撫王啟命有司遣官祭奠臣為之贊曰

夫

牝雞悍兒女怨猛虎亂夫家散嗟嗟何日見夫面君不見蔡家姬雍家先血滅又不見劉

家母王家翻受禪吁嗟女兮豈不欲效雙飛燕破鏡難成片一紙緬書流血撰黃泉路上

見夫面年分失傳

猛 卿妻陶氏

雲州人夫死時陶年三十六哀毀欲絕救而獲免教子成立節

操凜然年分失傳

勇婦夜梅

順寧人熨婦也木邦侵境兵勢大熾郡中男子與之敵者皆北婦手持尺

劍敗其黨百十餘騎自是木邦兵不敢犯父名年分失傳

蒙化府

明

董朝儀妻羅氏

蒙化人父彥才朝儀卒羅年二十七遺子應元羅紡績教子成

名清潔無玷正統間通判匾其門曰百年完節

趙奴宣妻楊氏 蒙化人父泰奴宣蚤歿楊不以貧家婦闕菽水於舅姑年六十

所司 嘉之

左綱妻張氏 蒙化人父克寬綱任蒙化府士知府生子琳瑛綱隨卒氏肅清

唐齡妻胡氏 蒙化人父泰運齡以百戶病故氏年二十遺腹七月生子政撫

孤承先勵志冰雪成化間有司旌之

左明理妻張氏 蒙化人張治女明理為諸生卒張守節撫孤三十餘年成化間

有司旌之

劉崇學妻陳氏 蒙化人陳治道女夫死氏孝姑育子操履端方矢志栢舟內外

無間弘治六年有司旌之

馮士傑妻詹氏 蒙化人弘治間夫卒家貧守節終身無玷鄉黨敬之

官啟妻雷氏 蒙化人父震啟正德庚午舉人蚤卒氏年幼生子慶霓撫育教

誨後任訓導全節終身

楊謙妻薛氏 蒙化人父維忠夫死守節教子楊剛成名嘉靖間提學匾曰孝

節巡按賜金嘉之

景東府

明

雲南通志

阿曩 知府陶贊之祖母正統間麓川叛寇歷境阿曩訓飭孫瓚率眾禦之斬馘無算

賊悉逃逃總兵上其勩封太淑人褒賜甚厚

劉藻妻陳氏 藻卒陳氏幼能以節守終

麗江府

明

木氏藥師能 土知府木森女適通安州土州同高長年甫二十夫喪撫孤成

立五十四年靡憚之矢一洗彝陋

羅氏 土官知府木青妻歸青十年青卧病竭

力調治卒不起方在闕凶適有春寇慨然曰彼以我新遭喪子在襁褓婦人無能為耳乃親環甲躍馬先士卒一鼓克敵還部

寧事姑盡孝教子以忠勤稱誥封太恭人年五十一而終叅藩謝肇淛紀其事

皇清

卷之三

三

人辛酉十一月... 忠慎... 其專

